

GKMB: Prevencion di dengue “mester ta den cada cas, den cada hende”



Pagina 3

- **Paga pa informacion na KvK dificil pa usuario di menos recurso**

Pagina 2

- **Gerlien Croes ta cuestiona otorgamento di mas di 2.000 camber adicional pa hotel**

Pagina 6

- **Corsou: Polis ta detene dos muhe pa intento di homicidio, agresion y vandalismo**

Pagina 8

Turkia y Israel a anuncia limite di comercio riba otro



Pagina 24

Varios polis Hulandes investiga pa
extremismo anti-institucional



Pagina 9

TUI

LAST CALL

TICKET
SALE

10%
DI DESKUENTO
RIBA TUR TEKET

Bishitá nos TUI shop i buk awor

Paga pa informacion na KvK dificil pa usuario di menos recurso

Costo mas facil pa usuario grandi



Recientemente Camara di Comercio y Industria di Aruba (KvK) a anuncia su decision di limita acceso gratis na informacion di su registro comercial y na e momento aki ta cobrando pa duna informacion digital. Motibo pa haci esaki KvK ta menciona e gastonan halto di mantencion di e sistema digital cu e organizacion mester cubri.

Tambe ta muestra den esaki riba desaroyo den exterior unda e consumidor di informacion ta paga pa e tipo di informacion desea aki. Esakinan no ta argumento priva di razon, sin embargo ta yama algun pregunta den e situacion specifico di Aruba. E pregunta ta anto pakico KvK no a pasa pa aumenta e suma di aporte anual cu cada empresa registra mester aporta. Si ultimo adaptacion di e sumanan aki ta data di 2009/2010, pakico no a cana e caminda legal aki, promer cu a tuma e decision actual di limita acceso.

Costo di acceso

Ta referi na e costo involvi cu uso regular di dato di KvK. E cobro di Afl. 300,- pa cada tres luna, o Afl. 1500,- pa aña pa acceso, cu pa cada oportunidad pidi ta costa Afl. 5,- no ta parece exagera, pero esaki ta depende di e fuerza financiero di e usuario. Por ehemplo, si nos compara un banco local cu un medio di comunicacion, den ambos caso un usuario

regular, diario, casi no por tin un diferencia mas grandi den recurso financiero pa cubri e gasto. Un banco local tin un benta anual cu ta core den centenas di milyon, mientras cu un corant ta pertenece na e sectornan cu no a recupera ainda mes di e crisis di Covid. Den ambos caso sin embargo acceso diario y rapido ta necesario pa averigua dato di un empresa, mas aleu di e par di itemnan cu den e set up a keda disponible actualmente. Den e sentido aki den un caso e suma exige ta muestra razonable, pero den e otro e ta un gasto grandi cu ta añadi bastante na gasto di operacion. Banda di esaki no tin un claridad si e 'abonnement' di tres luna o un aña ta algo pa varios usuario dentro di e compania, o ta pa un solo usuario, y con esaki ta keda regla. Ta bon pa enfatiza cu prensa no ta e unico tipo di usuario sin gran recurso cu mester di acceso; hopi otro negoshi chikito ta den e categoria aki.

Kico e usuario ta haya

Otro pregunta ta kico e usuario ta haya pa su placa. Si KvK ta compara cu exterior pa loke ta e desaroyo den cual nan a bay, lo ta razonable tambe pa compara e datonan disponible na KvK cu e practica den otro pais, por ehemplo Hulanda. Na Hulanda dato basico di accionista, incluyendo e UBO (Ultimate Beneficial Owner), manera nomber y fam, fecha di nacemento, residencia y nacionalidad, ademas di e caracter di y tamaño di e interes economico den e compania, ta visible pa tur hende cu ta haya acceso. Na Aruba e informacion aki ta solamente visible pa cierto autoridad cu ta autoriza pa mira esakinan. Esey ta implica cu na Aruba un usuario ta paga pa acceso pa haya hopi menos informacion cu loke ta disponible na Aruba. Tampoco ta disponible informacion tocante cuenta anual, loke na hopi pais ta algo masha normal. Na Aruba e informacion ey ta disponible pa publico solamente si e empresa mes duna di conoce explicitamente cu e ta publico. Mayoria di empresa estatal registra na KvK no tin nan informacion anual disponible, mientras cu pa ley cierto sector, manera banco y compania di seguro, tin obligacion legal pa pone nan datonan

financiero disponible pa publico.

Na Aruba anto tur e informacion ey no ta disponible. Ta bon pa bisa acerca cu esey no ta asunto di KvK, sino di gobierno di Aruba cu ta dicidi maneho den e sentido aki, ya cu tur esaki ta regla den ley (Handelsregisterverordening). Asina ley ta exige cu banco y compania di seguro mester cumpli cu transparencia, pero gobierno mes no ta instrui su entidadnan pa nan practica e mesun transparencia aki, cu ley ta exige di – parti di – sector priva.

Servicio na cliente individual

Regularmente Bon Dia Aruba ta haya keho encuanto e trato na KvK den asunto cu awendia mester regla na manera digital. E kehonan ta trata di caso excepcional cu no semper ta pas exactamente den e software manera esaki ta diseña. No ta e proposito pa bay trata ehemplo di esey den e articulo aki, pero lo mester tin un manera pa resolve e tipo di caso aki, ya cu no resolve e problema ta conduci na incumplimento cu ley, pa cual un empresa por bira suheto na multa y otro medida legal. No tur problema por keda resolvi via proceso digital, esey no ta un problema cu ta presenta na KvK so; mester tin un helpdesk pa esaki.

Prensa limita den su papel informativo

Manera menciona anteriormente, KvK den cobranza pa servicio no ta tene cuenta cu su propio base, unda tradicionalmente ta tuma como punto di salida e capacidad financiero di e entidad registra. Den e caso di prensa, ta trata di un di e sectornan mas golpea pa e crisis reciente, cu ademas den interes di publico en general mester acceso rapido y amplio na informacion comercial. Den caso di investigacion mas grandi, unda mester mas informacion pero ta menos frecuente, no ta problema pa paga e servicicionan normal di documentacion comercial, manera extracto historico y statuut di compania. E prijs pa e servicio, combina cu e pobreza na informacion cu ta ofrece, compara cu otro pais, no ta na beneficio di acceso rapido y pagable.

Otro especie di parha ta desaparece pa motibo di actividad di UTV y ATV

Recientemente, a traves di su pagina di Facebook e conocido activista Greg Peterson a publica un mensahe lamentable, indicando cu otro tipo di parha na Aruba, e Patrishi a desaparece pa motibo di e actividad turistico di UTV y ATV.

“E ultimo yamada di e Patrishi. Patras di e Faro unda turismo di aventura a causa gran destruccion na un lugar di reproduccion historico di Aruba Burrowing Owl (Shoco), awor tambe nos ta realisando cu e Crested Bobwhite (Patrishi) cu un biaha tabata rondona e area aki den cantidad respetabel, awor a desaparece,” e publicacion ta indica.

Peterson, ken ta un activista cu ta para firme den e lucha pa salvaguardia Aruba su naturalesa y medio ambiente, ta remarca cu pa motibo di e



actividad di UTV y ATV, cu ta baha for di caminda, ta haci un impacto serio riba naturalesa di Aruba.

El a subraya cu e tipo di turismo aki no ta sostenibel y mester regula esaki hopi antes cu e causa mas daño na e flora y fauna di Aruba. “E Patrishi ta yamando pa para

e locura. Stop e maltrato di bestia na Aruba,” el a enfatisa.

No ta di awo cu ta denuncia e actividad turistico aki. Pa hopi tempo caba ciudadano y organisacionnan ta expresa nan disgusto pa e daño cu e ATV y UTV ta causa na naturalesa, pero asina mes companianan ta keda ofrece excursionnan

na turista usando e tipo di vehiculo aki na diferente sitio sin tene consideracion cu e daño cu nan ta ocasiona.

Den luna maart di maart aña pasa, minister di Transporte y Naturalesa, Ursell Arends a comunica cu a tuma e decision pa no otorga permisonan nobo den transporte publico

pa UTV y ATV, y tampoco transferi permisonan existente pa UTV y ATV. Asina ta pone un paro na e aumento di UTV y ATV den e sector di transporte publico.

E decision aki tabatin como meta mitiga e impacto negativo di UTV's y ATV's riba hende, naturalesa, tranquilidad, seguridad y fluho di trafico. Minister Arends a tuma e decision aki a base di conseho di e Werkgroep UTV/ATV cu ta consisti di representantenan di DOW, DTP, DNM, DIP, DTI, KPA, DWJZ, DEZHI y ATA. E decision aki a keda formalisa den e Ministeriële Beschikking di 16 di maart 2023, publica den Landscourant di 24 di maart 2023, edicion number 7. E decision aki ta parti di un maneho mas amplio dirigi riba miho regulacion di UTV/ATV y reduccion di su impactonan negativo.

GKMB: “Anos no ta esun cu por preveni un brote di dengue, esey mester ta den cada cas, den cada hende”

Brazil ta e pais cu tin mas caso di dengue reporta na nivel mundial, cu 25 miyon di morto for di año 1980. Recientemente, Argentina a haya su peak mas halto y tambe otro paisnan den region. Aruba tampoco ta scapa di dje, aunke no na ta registra hopi caso, comunidad mester tuma na serio e medidanan di prevencion.

Mediante un entrevista cu Luis Chong, ken ta fungi como hoofd di Gele Koorts en Musketen Bestrijding (GKMB), Bon Dia Aruba kier trece dilanti informacion importante pa loke ta trata e prevencion di criadero di e sangura cu ta causa e malesa di dengue, cu algun biaha por resulta mortal.

Departamento di GKMB tin como meta cuida e salud general di comunidad door di controla y combati sangura cu por transmiti malesa, inspecciona y actua diligentemente den situacionnan di peliger cu por presenta den comunidad. Chong a sigura cu nan ta haci controlnan continuo bishitando cas pa cas den tur e barionan di Aruba.

Aparte di e control continuo den casnan, tambe nan ta controla tire shops, casnan di anciano cu ta casnan vulnerabel, scol, hotelnan, entre otro.

Den region Latino Americano y islanan di Caribe tin hopi brote di dengue cu ta tumando lugar, segun loke medionan internacional ta bin reportando recientemente. “E casonan di dengue a eleva compara cu añanan anterior. Organizacion Mundial di Salud (OMS) y Organizacion Panamericano di Salud (PAHO) tambe ta recomenda cu tur hende den regionnan unda tin e sangura Aedes Ae-



gypti pa nan ta mas cauteloso y keda alerta pa casonan di dengue e año aki,” Chong a menciona.

Na Brazil, Argentina, Paraguay, Colombia, Puerto Rico, entre otro, e casonan ta redobla hopi mas di loke nan a expect pa loke ta trata e malesa y e mortonan tambe.

Den cuadro aki, Chong a informa cu e sangura Aedes aegypti tambe ta existi na Aruba, pero no na mesun nivel cu na Corsou, unda na comienso di e luna aki gobierno a informa cu ta bay cuminsa tuma accionnan di limpieza pa motibo cu tres persona a muri debi na e malesa aki.

Minister di Salud di Aruba, Dangui Oduber a señala cu na Aruba tambe ta tumando e medidanan preventivo pa evita un brote di dengue, mirando cu e casonan tabata aumentando. “Aunke na e momentonan aki no tin ningun brote di Dengue na Aruba, ta di importancia crucial pa

nos haci tur cos posibel pa preveni esaki. Pa es motibo Ministerio di Salud ta haci un yamada na pueblo pa hunto nos sea responsabel y nos combati criadero di sangura.”

Na e momentonan aki, Aruba tin registra 6 caso confirma di dengue, manera Chong a informa, pero esey no ta nifica cu casonan no lo por aumenta. Importante ta con lihe por actua, con chikito e brote aki ta keda of con grandi e lo por bira si no ta haci nada. “Pa e tempo aki e casonan ta mas eleva compara cu año pasa, pero esey por ta tambe cu e dokternan ta mas alerta,” Chong a expresa.

Pa e motibo aki, seccion di GKMB ta mas activo na e momentonan aki. Nan ta ricibi informacion di Departamento di Salud Publico di casonan sospechoso, di cual te ayera tabata na 50. Esaki ta trata di personanan cu ta bay cerca dokter di cas cu diferente sintoma y nan ta haci un test. Cu e casonan sospechoso cu tin te awor,

GKMB ta haciendo mas pa bay bishita na e casnan di e pashentnan afecta pa controla e cas y controla e bisiñanan, “pero den e cuadro aki nos mester ta mas alerta y nos ta controla e zona cu ta rond di e casonan sospechoso, esey ta loke nos ta haciendo pa eleva nos alerta.” Chong a declara. Igualmente, nan a caba di controla e parti turistico, cual ta e parti di High Rise y Low Rise, hunto cu condominionan; ademas di cas di ancianonan cu ta e area mas vulnerabel pa motibo cu dengue por ta mortal tanto pa mucha chikito como pa hende grandi y hendenan cu complicacionnan medico, segun el a sigura.

“Pero e trabao no ta solamente di nos, e trabao ta eigenlijk di comunidad. Nos t’ey pa nos yuda den cierto caminda, pero anos no ta esun cu por preveni un brote di dengue, esey mester ta den cada cas, den cada hende pa duna nan parti, di tene na cura limpi, si nan tin awa para pa nan deshaci di esaki y controla cu no tin criadero di sangura,”

Chong a bisa.

Na e momentonan aki, e region ta den un temporada di segura y hopi biento, “pero no ta suppose di tin sangura.” Sinembargo, si nan ta ripara den nan control den e casnan cu tin hemchi di awa of bari cu awa, “cual ta e problema di mas grandi cu nos ta hayando awor y den tur di nan nos ta haya criadero di sangura. Esey ta indica cu e personanan mes na cas ta criando y aumentando e problema aki pa nan mes, pa nan famia y pa e bario.”

Manera ta conoci, ta un tipo di sangura esun cu ta transmiti e malesa di dengue, “Aedes aegypti, cual ta un sangura cu ta biba cu nos. Anos ta cri’e, no ta un sangura di mondi, e ta gusta hende y hende ta cri’e pasobra nan ta esun cu ta laga awa para pa nan. E ta un sangura urbano cu ta crece of biba rond di e cas. Tambe esaki ta e mesun sangura cu ta transmiti Zika, Chikungunya y yellow fever,” el a bisa.

Chong tambe a sigura cu tin un otro sangura cu ta yama “Tigger mosquito,” cu tambe ta transmiti dengue pero esey no ta existi na Aruba. “Mi a tende cu na Hulanda si el a wordo introduci door di productonan cu ta bin di Asia, nan por biaha rond di mundo y ta gusta mas awa di riu y Aruba ta hopi seco pa e por sobrevivir akinan.”

El a trece dilanti cu na e casnan cu nan ta hay’e cu tin hemchi cu awa of baki cu awa, nan ta duna e informacion di prevencion pa motibo cu hopi biaha hendenan mes no sa kico esey ta nifica. Den ley tin para cu nan lo por haya un multa, “pero nos no ta bay eynan ainda, pasobra bo kier cooperacion di bo pueblo y unabes bo ta duna hendenan multa, nan no ta bay habri mas e portanan pa bo. Nos ta duna un advertencia.”

A destaca cu comunidad mester yuda pa combati un brote, cu no ta trabao di gobierno of di nan departamento pa haci esey. “Nos ta yuda purba hiba e informacion pa tur hende por preveni, y con bo por preveni? Djis mantene bo area limpi, bo cura limpi, no warda awa ora ta yobe, ni den hemchi. Nos por preveni esey. Tambe ora lo sali, si por purba di bisti manga largo of usa repelente,” el a finalisa.



Arubianonan tambe por vota pa eleccion di Parlamento Europeo

Registracion ta habri te dia 25 di april



Manera ya caba Bon Dia Aruba a publica den un entrevista cu representante suplente di Hulanda na Aruba, Sr. Vincent Storimans, eleccion pa Parlamento Europeo ta tuma luga dia 6 di juni. En conexcion cu esaki, ayera mainta durante un webinar cu representantes di Hulanda den islanan di Caribe Hulandes y demas coleganan, a brinda informacion mas detaya ariba e proceso di registracion y importancia di eherce e derecho di voto aki.

Durante e webinar, Storimans a cuminsa na subraya e importancia di eleccion Europeo. No solamente pa e 27 pais miembro di Europa, pero tambe pa e paisnan den Caribe Hulandes. “Mi ta kere cu esaki ta hopi importante y ta util tambe, pasobra si bo ta un habitante di un di e paisnan miembro, bo ta haya un invitacion automaticamente, pero den e relacion aki bo mester haci mas esfuerso pa bo inscribi na e eleccion,” el a indica.

Pa esnan cu no tin conocemento tocante kico Parlamento Europeo ta y e importancia di e eleccion di esaki, cual tambe tin un efecto pa Aruba, el a splica cu Parlamento Europeo ta e parlamento transnacional mas grandi na mundo, cu 720 miembro, cu ta wordo eligi directamente pa e residentenan di e 27 pais miembro di Union Europeo.

Esey ta nifica cu cada cinco aña, e 720 miembro di Parlamento Europeo ta wordo eligi directamente pa e residentenan di Union Europeo.

Pa loke ta Hulanda, el a sigui splica cu Hulanda por scoge e 31 miembro di parlamento, y den esaki ciudadanonan Arubiano cu nacionalidad Hulandes por participa y eherce nan derecho di voto. Cu 31 miembro Hulanda ta e di shete pais mas grandi den e tereno aki. Alemania ta e pais di mas grandi cu 96 miembro y e pais mas chikito ta Malta cu 6 miembro. “Asina bo por mira cu Hulanda cu 31 miembro por haci hopi cos na Bruselas” el a enfatisa.

Storimans a indica cu Parlamento Europeo su funcion ta un colegislacion, locual ta nifica hunto cu e 720 miembro e legislacion ta wordo traha, y segun el a enfatisa, e legislacion for di Bruselas of Strasbourg ta birando mas importante y pues mas y mas ley ta bin for di Europa.

“Ta trata di asuntonan cu ta hopi importante pa nos tur. E ora ey bo ta papia di medio ambiente, seguridad, migracion, asuntonan relaciona cu economia y ta importante pa loke ta trata di haci, bo voz wordo scucha. Pues, pa bo sa cu bo miembronan di Parlamento Europeo, cu nan ta wak pa bo interesnan y cu nan t’ey pa bo tambe,” el a resalta.

Pa loke ta e proceso di voto, manera ya caba menciona, e ultimo dia pa ciudadanonan di nacionalidad Hulandes por registra pa por vota den e eleccion aki ta 25 di april y ciudadanonan mester tene cuenta cu algun requisito simpel, pero importante, cu no por falta pa por registra y vota.

Storimans a splica cu tur persona cu ta den exterior, pues afo di Hulanda, mester registra cu e municipio di Den Haag.

Asina tur hende cu ta desea di nombra for di exterior, ta registra nan mes na e municipio di Den Haag, cu ta esun cu ta administra tur esnan cu kier vota for di exterior.

“Manera nos a bisa caba, esey ta nifica cu bo mester haci un poco mas esfuerso. Pues bo mester inscribi pa esaki,” el a remarca.

Tur ciudadano cu inscribi pa vota e biaha aki, of cu a yega di inscribi y vota caba pa eleccion di Parlamento Europeo, mester inscribi e un biaha so y e municipio di Den Haag lo tin e registracion aki. Despues di e registracion e votador ta ricibi un e-mail y despues nan ta ricibi un prueba di esaki.

Storimans a indica cu pa Aruba, Corsou y Sint Maarten e representacion na Oranjestad, Willemstad y Philipsdorp ta funciona manera un post di

voto. Pues e documentonan di voto pa eleccion di Parlamento Europeo dia 6 di juni, lo wordo manda na e oficianan di representacion si e ciudadanonan a registra dia 25 di april na un minuut prome cu mey anochi, ora di Hulanda, of prome cu e fecha ey.

E proceso ta tuma luga via e website stembenvanuitdebuitenland.nl, ey riba por haya tur informacion y requisito y despues di e registracion e ciudadanonan ta keda den e registro di e municipio di Den Haag. E documento di votacion ta wordo manda pa e oficina di representantenan y e ciudadanonan por eherce nan derecho di voto te hasta un siman prome cu e dia di eleccion.

Na tur oficina di representacion ta bay tin urna di votacion na unda e votadornan por entrega nan voto, esaki ta warda te na momento cu mester haci conteo oficial. Despues di e conteo di e votonan, ta manda e informacion pa e municipio di Den Haag cu ta publica esaki riba nan website.

“Esey ta un proceso publico, asina ta cu e momento cu nos ta bay haci un pre-opening, pues si hopi voto ta drehta, nos mester habri un tiki mas trempan cu e dia mes. Esakinan ta procesonan publico pa interesadonan, cu ta ciudadano of hende di e medionan di comunicacion, y nos lo anuncia tambe ki dia nos lo haci esaki. Asina tur hende tin e oportunidad pa ta presente, pa observa y pa mira cu tur cos ta bon y na ordo,” Storimans a subraya.

Sra. Nathalie Pilck, project manager pa eleccion na e municipio di Den Haag pa votadornan cu ta biba afo di Hulanda, a enfatisa e importancia di registra pa por vota den e eleccion di dia 6 binidero. El a clarifica cu si un persona ta registra como votador pa eleccion di Tweede Kamer, esaki no ta nifica cu automaticamente e ta registra pa e eleccionnan pa Parlamento Europeo. “E eleccionnan tin diferente criteria pa cada eleccion y p’esey e registracion ta estableci pa cada eleccion. Pues esey sigur ta un punto di atencion,” el a indica.

Pilck a trece pa dilanti e cifranan, provisional, pa loke ta e registracion te cu aworaki di votadornan pa eleccionnan aki. Pa Aruba tin 1122 votador registra y na Sint Maarten 196.

“For di Den Haag nos ta un par di kilometer leu pero nos ta spera cu nos servicionan nos ta yega hopi cerca di e habitantenan di Corsou, Aruba y Sint Maarten, pasobra nos ta kere cu ta hopi importante pa nan por tin un voto tambe. Cada voto ta conta y Hulanda ta vota riba 6 di juni pa e eleccionnan pa Parlamento Europeo 2024,” el a subraya.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueero (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

AZV bao control, awor... Futuro ta 'otros cien pesos'...

Director di AZV (y SVb) a tene un rueda di prensa pa duna informacion tocante estado financiero di nos fondo general di gasto di salud AZV. Su conclusionnan basa riba e cifranan general ta loke nan ta: por lo pronto e fondo ta mas cu capaz pa cumpli cu su obligacionnan, y hasta den e añanan aki ta generando un reserva. E periodo despues sin embargo lo muestra otro panorama financiero, loke lo ta consecuencia di e desaroyo economico cu no ta muestra e crecimiento rapido cu nos por a mira despues di supera e crisis di 2020/2021. Nos lo bolbe na e aspeto aki, pero antes e estabilidad momentaneo di AZV, cu no a logra solamente cu un biento economico favorable, sino tambe pa medida cu a tuma pa limita – crecimiento di – gasto. Esaki tabata encera por ehemplo e limitacion di e lista di medicamento pagable pa AZV, lagando un parti di e medicamentonan prescribi pa e pacient mes paga. Mirando e hecho cu e fondo, entre 2022 y 2023, a logra un aumento fuerte, di prima AZV y BAVP, di alrededor di Afl. 59 miyon (12,1%), e pregunta por surgi cu ta logrando austerizacion fuerte a costo di e cartera di e ciudadano mas vulnerable. Segun nos opinion, no tin estudio disponible di e forma con e austerizacion aki a afecta e pacientnan mas vulnerable, pero lo ta algo cu lo mester tuma lugar. No cu nos tin speranza cu esaki lo sucede, pasobra nos tin un pasado bastante negativo ora ta trata di e tipo di investigacion aki, bao di cualkier gobierno te awe.

Di otro banda, nos ta comprende cu e banda gubernamental lo defende e medidanan tuma pasobra tin acuerdo riba esaki cu Hulanda. Ademá, y esey e director den su rueda di prensa a trece dilanti, ta asina cu tirando un vistazo riba futuro proximo, nos mester ta prepara pa tempo economico menos favorable, unda aumento di gasto, algo imparabile na cualkier pais, lo topa cu un crecimiento masha limita di e fuentenan principal cu ta abastece caha di AZV, e primanan di dunador di trabao y empleado, y e parti di BBO dedica na AZV (BAZV). Pa 2027/2028, e tempo 'gordo' pa AZV (y AOV a proposito) lo ta pertenece na pasado y lo mester planifica con ta bay atende e asunto aki. Naturalmente no ta esey ta loke nos a haya di tende explicitamente den ultimo añanan di banda gubernamental, mientras manera nos medio tabata adverti, esey tabata caba loke e cifranan di gobierno y proyecionnan di diferente instancia involvi den planificacion economico, y 'common sense' tabata muestra. E recuperacion despues di Covid tabata

mostru cifra di crecimiento economico hopi halto, pero gran parti tabata pa yega di retorno na unda nos a keda na 2019. A crece mas cu esey caba, pero e crecimiento ey lo ta limita, y ta loke e director di AZV den su encuentro cu prensa a indica.

Con atende falta di crecimiento: importa trahador

Loke e director no a indica, y esey tampoco ta su prerogativo, ta con nos ta bay prepara pa loke ta bin. Sin crecimiento economico no tin aumento di entrada pa AZV, cu gasto creciente di tur manera, ni pa SVb, cu gasto aumentando pa pago di AOV. E contesta di gobierno t'ey caba, aunke nan no ta toca e tema, ainda. Nos ta kere cu no ta mas cu responsable pa sí discuti esaki awor. E 'solucion' cu tin na caminda ta e importacion di miles di trahador di exterior, cu ta bay ocupa gran parti di e puestonan laboral den e expansion considerable den cantidad di camber, cu ta bay tin den nos sector di turismo. No tin sentido na e momento aki pa dedica tempo na lamento, e decisionnan ta tuma y e rumbo ta mas cu cla. Importante ta awor kico e consuncianan lo ta pa, por ehemplo AZV. Cada mil trahador lo significa cierto contribucion na AZV den forma di prima, pero mester tene na cuenta cu e gran mayoria lo ta di salario modesto cu no ta yega na e promedio di gasto pa persona, cu segun e propio relato di AZV pa 2023 a yega na Afl. 4.396 pa persona sigura. Un persona cu, digamos Afl. 2.500 pa luna na salario, ta pone solamente Afl. 2.625, un poco mas cu 50% di e suma anual ey. E resto, nos ta pone... Con e cifranan ta si 5.000 persona dreña pa traha? Nan ta aporta un poco mas cu Afl. 13 miyon, y ta costa nos na AZV casi Afl. 22 miyon. E mesun 5.000 trahador ta duna un aporte na prima di AOV di alrededor di Afl. 18 miyon pa aña, loke ta 6% di e Afl. 300 miyon cu e total di prima AOV lo mester por a yega na 2023. Como agravante: nos ta papiando aki solamente di e cuadro di costo pa esnan cu ta dreña pa traha, no di e fase despues di 'reunificacion familiar', pasobra e ora tin mas persona cu ta añadi na e 'daño financiero' pa e pais, mientras un so ta paga prima. Despues e otro gastonan ta bin aden, manera den infraestructura y enseñanza, pero esey ta un tema riba su mes. Di e manera aki, nos ta rumbo pa un cierto futuro, unda henter un gobierno no ta conta nos ni mitar di loke ta bay tuma lugar. Y asina nos mester bay vota na 2025, pa un futuro cu talvez nos no por a ni considera, corda acepta conscientemente.

Continuacion di trabao di revitalisacion den area di Wilhelminastraat



E proceso di revitalisacion di e area cerca di Columbusstraat y Wilhelminastraat na Oranjestad ta continua, cuminsando e diaran-son binidero cu inicio di e segundo fase di e proyecto. E plan aki tin como meta pa transforma e area aki den e distrito culinario "par excellence" di e ciudad, mehorando asina e estetica, accesibilidad y su funcionalidad tanto pa localnan como pa bishitantenan.

E prome fase di e proyecto a keda

completa satisfactoriamente, poniendo e fundeshi pa un renobacion integral di e area. Awor, e segundo fase ta bay sigui, cu un enfoke particular riba e mehoracionnan planea, cual ta inclui creacion di mas espacio pa peaton, ampliacion di e area di parkeo pa acomoda e usuarionan, instalacion di mas 'standplaats' pa taxi, y miho iluminacion publico pa aumenta e nivel di siguridad den e area, segun un comunicado di gobierno.

Durante e periodo di trabao di renobacion, lo cera parcialmente Wilhelmin-

straat. Minister Geoffrey Wever ta haci un yamada special pa cooperacion di tur esnan cu ta transita e caminda aki, como tambe pa e comerciantenan, pa facilita e realisacion di e obranan aki cu ta importante pa revitalisa e area. E proyecto no solamente lo mehora e infraestructura y estetica di e sitio, pero tambe ta spera di impulsa e economia local a traves di aumento di turismo y consumo den e negoshinan den e area.

"E proyecto di revitalisacion aki ta un testigo di e compromiso continuo cu

desaroyo urbano sostenibel y mehoracion di calidad di bida di e ciudadanonan y bishitantenan di Oranjestad", segun Minister Geoffrey Wever.

Na su conclusion, ta anticipa cu e area di Columbusstraat y Wilhelminastraat lo por posiciona su mes como un centro vibrante culinario y social cu lo atrae un "spectrum" amplio di hende, for di localnan te turistanan, contribuyendo significativamente na e dinamismo y diversidad cultural di e ciudad.

Parlamentario independiente Gerlien Croes ta cuestiona otorgamento di mas di 2.000 camber adicional pa hotel



Mediante un post cu parlamentario independiente Gerlien Croes a publica riba rednan social, ta cuestiona e dunamento di mas di 2.000 camber extra pa hotelnan, caminda el a señala cu "MEP ta culpa AVP, pero MEP mes a beneficia di entre otro, e dealnan y acuerdo pa traha 3 Ibero Star hotel 3 aña pasa tambe."

Mediante un peticion por escrito dirigi na prome minister Evelyn Wever-Croes, e parlamentario a solicita e contesta na un cantidad di 14 pregunta relaciona cu e desaroyo infraestructural y di construccion di hotelnan, mas uso y maneho di e beachnan actualmente y pa futuro.

"Minister por comparti cu Parlamento di Aruba e cantidad di peticion pa permiso precario cu tin actualmente, incluyendo e fechanan di peticion pa permiso pa entre otro, pone strandstoelen, palapas, kleedhok, towelhut, massagehut, toilet, opslagruimte, lunchdecks, bars y otro actividadnan riba beach incluyendo e zona di peticion di meter cuadra?" ta un di e prome preguntanan.

Tambe por mira cu e ta puntra tocante maneho di palapa ta bay via vergunning, lista di e permisonan precario duna pa palapa so y ken ta responsabel pa maneho di e palapanan den e zonanan specifico. "Si minister por comparti e maneho di DIP cu tabatin pa e beachnan "strandbeleid" for di 2014 te cu maart 2024, incluyendo e cambionan specifico cu tabatin den maneho durante e periodo aki?"

Un di e preguntanan cu tambe a hala atencion ta "si minister por comparti kico ta e acuerdo cu e siguiente hotelnan cu ta den construccion tocante e futuro uso di e beachnan", cual ta lo siguiente: Hotel St. Regis Aruba Resort (200 camber extra pa december 2024); Gran Ibero Star 1 (240 camber pa december 2024);

Grand Ibero Star 2 (400 camber pa 2025); Ibero Star Tierra del Sol (200 camber 2025); Expansion Hotel Hilton (160 camber pa 2025); Port City 2x Boutique Hotrel cu maximo 100 camber pa cada un; Secret's Hotel na San Nicolas fase 1 y 2 (900 camber total); Ampliacion Manchebo Hotel (100 camber); Ampliacion Divi Phoenix (140 camber); Y 741 unidad di condominio bao construccion actualmente.

Croes ta puntra ken ta esun cu a duna e opcion di e terenonan aki. "MEP ta culpa AVP, pero MEP mes a beneficia di entre otro, e dealnan y acuerdo pa traha 3 Ibero Star hotel 3 aña pasa tambe. Kico esaki ta bay nifica pa Aruba, pa nos uso di beachnan? Kico Minister president a acorda cu e hotelnan aki pa cu precario pa uso di nos beachnan? Anto ainda nos falta papia di ken ta bay traha na e hotelnan aki y con prepara Aruba ta pa esaki. A hinca Aruba den desaroyo sin limite, y ken a pensa di e consecuen- cianan real pa e pais aki y nos futuro? Anto esunnan cu a hinca nos den esaki kiermen di ta bay saca nos di dje?"

Tan solo keda warda si prome minister ta bay contesta e preguntanan aki na parlamentario Croes of lo dicidi di yama un reunion publico cu lo ta algo mas miho den terminonan di "Transparencia", ya cu no solamente e parlamentario Croes ta trece dilanti su preocupacion sino comunidad en general tambe y hasta turistanan cu ta interesa di haya sa ki efectonan e mas di 2.000 camber ta bay trece pa un isla asina chikito manera Aruba.

Peticion por escrito di miembro di Parlamento, mevr. mr. Gerlien Croes na Minister President Sra. mr. Evelyn C. Wever-Croes conforme articulo III.17 di Staatsregeling di Aruba y conforme articulo 59 di Reglement van Orde di Staten di Aruba.

Relaciona cu e desaroyo infraestructural y construccionnan di hotel y uso y maneho di nos beachnan actualmente y pa futuro, suscrito kier a dirigi e siguiente preguntanan na Ministro Presidente:

1. Minister por comparti cu Parlamento di Aruba e cantidad di peticion pa precario cu tin actualmente incluyendo e fechanan di peticion pa permiso pa entre otro pone strandstoelen, palapas, kleedhok, towelhut, massagehut, toilet, opslagruimte, lunchdecks, bars y otro actividadnan ariba beach incluyendo e zona di peticion y cantidad di meter cuadra?
2. Minister por comparti e lista di precario honra desde januari 2014 te cu maart 2024, cu referencia di e zona y cantidad di m2 honra?
3. Minister por entrega un lista separa di e peticionan pa precario hasi especificamente door di e hotelnan na Aruba incluyendo fecha di peticion desde 2014 te cu maart 2024?
4. Minister por especifica e cantidad di precario honra na hotelnan (individualmente) cu e grandura di e zona y e fecha cu esakinan a wordo otorga y/of a extende e permiso desde januari 2014 te cu maart 2024?
5. Minister por comparti e manehonan di DIP cu tawata tin pa cu nos beachnan "strandbeleid" desde 2014 te cu maart 2024, incluyendo e cambionan specifico cu tawata tin den e maneho durante e periodo aki?
6. Por informa con e proceso di maneho di pone palapa ta encamina y ken ta encarga cu pone esakinan y ken ta responsabel di e maneho di esakinan?
7. Por informa si e maneho di palapa ta varia pa vergunning?
8. Por lista individualmente e precacionan duna pa palapa so y ken ta responsabel pa maneho di e palapanan den e zona (nan) specifico aki?
9. Por lista individualmente e precacionan duna pa stoelnan di lama duna na hotelnan y otro companianan di watersports?
10. Por inclui un mapa cu por duna un bista na Parlamento di Aruba ariba e reparticion di tereno ariba nos beachnan pa cu e permisonan duna y vigente actualmente na tur nos beachnan rond di Aruba?
11. Minister por comparti cu Parlamento di Aruba e lista di opcionnan cu e ser duna desde januari 2009 te cu maart 2024 pa construccion di hotel y condominium incluyendo e fechanan di peticion y fechanan cu a duna e opcionnan aki?
12. Minister por inclui un e lista di e acuerdonan firma pa terreno di construccion di hotel cu a wordo honra for di e opcionnan otorga den e periodo menciona incluyendo e fecha cu e acuerdonan a ser firma desde januari 2009 te cu maart 2024?
13. Por informa Parlamento cual ta e plan pa local ta uso y peticionnan di precario cu lo por ser hasi pa e hotelnan den construccion na Noord y tambe San Nicolas?
14. Minister por informa kiko ta e acuerdo cu e siguiente hotelnan especificamente den e siguiente lista cu ta den construccion tocante e futuro uso di nos beachnan?
 - St. Regis 200 kamber extra pa december 2024;
 - Grand Ibero Star (1) 240 kamber december 2024;
 - Grand Ibero Star (2) 400 kamber pa 2025
 - Ibero Star Tierra del sol 200 kamber 2025
 - Expansion Hilton 160 kamber pa 2025
 - Port City 2x Boutique Hotel cu maximo 100 kamber cada un.
 - Secrets Hotel San Nicolas: Fase 1 & 2 total 900 kamber

- Ampliacion Manchebo hotel 100 kamber
- Ampliacion Divi Phoenix di 140 kamber
- Y total otro 741 unit condominium bou di construccion actualmente

Suscrito ta desea pa hanja contesta por escrito riba tur su preguntana.

Atentamente,
mevr. mr. Gerlien I. Croes
Miembro Independiente di Parlamento Aruba

Anuncio di inicio di campaña anual pa desaroyo sostenibel “Eight to Eight, Because Our Planet Can’t Wait”

Na aña 2022 Rainbow Warriors Core Foundation a crea un campaña anual cu ta core di April 8 te cu Juni 8, yama “Eight to Eight, Because Our Planet Can’t Wait”. E idea ta cu mester di un campaña cu ta dura mas cu solamente algun dia den aña manera Dia di Tera, Dia Mundial di Medio Ambiente pa enfoca riba e necesidad urgente pa accion inmediato y continuo pa cumpli cu metanan pa combati cambio climatico, Obhe-tivonan pa Desaroyo Sostenibel (SDGs) y proteccion mundialmente di biodiversidad y ecosistema, vital pa seguridad alimentario y salud global. Nos planeta no por warda mas, pasobra si ser humano tarda pa cumpli cu deadline urgente, lo ta demasiado laat pa scapa Planeta Tera.

Eight to Eight, Because Our Planet Can’t Wait
E campaña aki ta core anual-mente di April 8, te cu Juni 8. E tin un doble enfoco.

Antesala pa campaña di 2024: dia mundial di salud, 7 april 2024

Tema “Mi Salud, Mi Derecho”

Pasobra salud ta un tema crucial di desaroyo sostenibel y liga tambe na medio ambiente, cada aña nos ta usa e tema di Dia Mundial di Salud, cu ta ser observa 7 april tur aña, den e antesala di nos campaña.

E tema pa 2024 ta “My Health, My Right”, “Mi Salud, Mi Derecho”

Mundialmente cada dia mas e derecho di acceso na servicio di salud pa miyones di hende ta bou menasa. Malesa y desaster natural ta resalta como factor principal pa causa di morto y incapacidad fisico. Conflictonan nacional y regional ta devastador pa miyones di hende, causando morto, dolor, hamber y afliccion y stress psicologico.


E kimamento di combustible fossiel ta simultaneamente causando cambio climatico y alabes kitando nos derecho pa inhala aire limpi, cu polucion di aire tanto pafor y paden den edificio y cas cobrando un bida cada 5 segundo riba Planeta Tera.

E Consejo di Organizacion



Mundial di Salud pa Aspectonan Economico di Salud pa Un y Tur a constata cu por lo menos 140 pais ta reconoce salud como un derecho humano den nan constitucion. Sinembargo paisnan no ta pasando of aplicando legislacion pa garantiza e derecho pa acceso na servicio di salud.

Esaki ta splica di con por lo menos 4.5 biyon hende, mas di mita di e poblacion mundial no tabata plenamente cubri pa servicionan esencial di salud na 2021.



Pa enfrenta e desafionan aki e tema pa Dia Mundial di Salud 2024 ta ‘Mi Salud, Mi Derecho’.

E tema pa e aña aki a ser scogi pa defende e derecho pa un y tur, tur caminda, pa tin acceso na servicio di salud di calidad, educacion, y informacion, y alabes awa potabel sigur, aire limpi, bon nutricion, vivienda adecuado, condicionnan di trabou y ambiental decente y libertad di discriminacion.

Situacion na Aruba

E derecho na salud ta un derecho humano basico. Tur hende mester tin acceso na servicio di salud publico na e ora y lugar na unda mester di nan sin obstaculo economico y sin intervencion of triage di asistent di dokter, entre otro pa cita cu specialista.

Seguro medico general mester provee proteccion financiero y acceso na servicionan basico di calidad, mester saca hende for di pobresa, promove e bienestar di famia y comunidad, proteha contra crisisnan di salud publico, manera e pandemia di malesanan cronico no comunicable (diabetes, obesidad, maleza cardiovascular, cancer, maleza respiratorio), problemanan psicosocial, cuido di adulto mayor y cuido pa menor den gruponan vulnerabel den sociedad.

Inverti den sistema di salud fuerte ta critico pa un comunidad prospero. Aumenta financiamiento publico den salubridad y baha gastonan di “eigen bijdrage” ta salba bida entre otro di adultonan mayor cu ta depende di un pensioen cu no ta permiti gasto halto pa medicina y ta contribui na cumpli cu e SDGs.

Permiti participacion di tur stakeholder den e planificacion di gobierno, revision di

progreso y e implementacion di un sistema di salud y seguro medico general, usando un enfoco riba cuido medico primario pa brinda servicio basico di cuido cu proteccion

financiero y pa dirigi esaki riba y atende cu esnan mas den necesidad y pa mehora e salud y bienestar di hende di tur edad den un forma igual.



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 3 mei 2024 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. PONTON 70-L

een woonhuis met verder toebehoren staande op een perceel eigendomsgrond groot 402 m2 gelegen te Ponton in Aruba, kadastraal bekend als Eerste Afdeling Sectie L nummer 4181

richtprijs: **Afl. 235.000,00**

2. MISSOURISTRAAT 2

een woonhuis met verder toebehoren staande op een perceel eigendomsgrond groot 204 m2 gelegen aan de Missouristraat te San Nicolas in Aruba, zoals nader omschreven in kadastrale rooibrief nummer 25 d.d. 3 juni 1987

richtprijs: **Afl. 80.000,00**

3. MEIVELD 47-B

Een woonhuis staande op een perceel eigendomsgrond groot 1.351 m2 gelegen te Meiveld in Aruba, kadastraal bekend als Eerste Afdeling Sectie P nummer 2607

Inzetprijs: **Afl. 335.000,--**

Een onherroepelijk en onvoorwaardelijk onderhands bod kan worden uitgebracht tot uiterlijk donderdag 18 april 2024 ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com verkrijgbaar.

Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Inicio programa di investigacion científico internacional di pasado di esclavitud

E pasado di esclavitud colonial di Hulanda y su impacto a forma diferente pais rond mundo profundamente. Tog e conocimiento cu ta disponibel tocante e pasado di esclavitud comparti aki ta skirbi particularmente for di perspectiva colonial. Pa enriquece nos perspectiva, minister Dijkgraaf (Enseñansa, Cultura y Ciencia) ta inicia un cooperacion global di científiconan riba e topico aki awe na Aruba. Esey el a anuncia awe durante un mision di conocimiento den Caribe.



Inicio den e area Caribense

Dijkgraaf: “Mas conocimiento científico di nos pasado comparti ta di gran importancia. Den esey ta esencial cu tin espacio pa haci investigacion for di perspectivanan nobo, na e luganan caminda esclavitud tabata existi. E conocimiento cu esey produci ta di gran balor pa compronde nos historia comparti mas miho. Mi ta consider’é hopi valioso pa por inicia e programa di investigacion aki durante e Aña di Conmemoracion Pasado di Esclavitud.”

Dijkgraaf kier promove e colaboracion di conocimiento riba pasado di esclavitud entre universidadnan rond mundo, cuminsando den nos propio Reino. Pa investigacion na Aruba, Corsou y Sint Maarten e ta destina 375.000 euro te cu 2027. Cu esey científiconan local por haci investigacion riba pasado di esclavitud den e paisnan aki.

Lo tin posibilidad tambe pa haci investigacion riba e topi-

co aki na Hulanda Caribense (Boneiro, Saba y Sint Eustatius). Tin un presupuesto apart pa esaki.

Liña cora rond mundo

Hulanda tin laso profundo cu Surnam, Indonesia y Sur Africa tambe, debi na e pasado di esclavitud comparti. Hulandesnan a bende hopi persona esclavisa aya, of a transporta nan via e paisnan aki.

E contexto historico y contemporaneo ta diferencia di un pais pa otro. Trece e diferente perspectivanan hunto ta

di gran balor agrega pa miho comprension di nos historia comparti. P’esey Dijkgraaf kier duna hunto cu Surnam, Indonesia y Sur Africa, e investigacion científico riba pasado di esclavitud tambe un impulso den e paisnan ey. E idea pa esaki a surgi durante misionnan di conocimiento pa e paisnan aki, na unda Dijkgraaf a papia ku diferente científico cu ta investigando e pasado di esclavitud. E plan ta pa duna e cooperacion científico forma di mes manera cu den e parti Caribense di nos Reino.

E prome combersacionnan cu e paisnan aki ta positivo. Ta existi un gran sentimento comparti riba importancia di colaboracion científico.

Comparti conocimiento

Comparti conocimiento ta un punto di salida importante di e programa di investigacion global. Na e momentonan aki ta elaborando riba con e lo bay ta. E prome ideanan ta pa crea un red di investigacion, exposicionnan ambulante, un buki of un conferencia di apertura y clausura. Cientí-

ficonan Hulandes tambe lo haya un papel den esey. Mas laat e aña aki esaki lo haya mas forma.

Mas espacio pa diferente perspectiva den enseñansa y investigacion

Secretario di estado Van Huffelen a anuncia aña pasa na e conmemoracion di Tula na Corsou cu gabinete ta establece un catedral pasado di esclavitud pa Aruba, Corsou y Sint Maarten.

Awor Dijkgraaf ta duna contenido na esey cu e cooperacion científico aki, den forma di un catedral internacional impacto di e pasado di esclavitud. Tambe gabinete ya a anuncia e beca di Tula, cu ta carga number di e lider di e rebelion grandi di esnan esclavisa na 1995 na Corsou. Pa medio di e beca aki, pa aña un estudiante di Corsou ta haya oportunidad pa sigui un estudio bachelor di docente di historia na Hulanda na un academia di su escudo. Di manera cu tin mas espacio pa diferente perspectiva den enseñansa y investigacion.

Polis ta detene dos muhe pa intento di homicidio, agresion y vandalismo



(CuraçaoChronicle) - Riba dialuna alrededor di 8:30 di anochi, autoridadnan a detene dos hende muhe na Kaya Berom, na e distrito Montaña Abou. E arestonan a ser haci en conexion cu e ofensanan sospecha incluyendo asesinato, agresion y vandalismo.

Segun reportahenan di departamento di polis, e genesis di e incidente por ser rastrea back na un discusion entre dos muchanan bisña. Sinembargo, loke a cuminsa como un simpel desacuerdo rapidamente a sali for di control, culminando den un altercacion fisico entre e dos hende muhenan involucra.

Autoridadnan a revela cu e confron-

tacion a escala na asina un nivel cu violencia fisico a bini despues, cu testimonionan indicando cu tabatin un intento di dal otro cu auto. Adicionalmente, daño di propiedad a ser haci, cu un di e vehiculonan su bentana kibra.

E individuonan en cuestion, dos hende muhe di 33 y 31 aña Curasoleño, a keda deteni durante e discusion.

Despues di e detencion, e dos sospechosonan a ser presenta pronto dilanti un fiscal asistente. Consecuentemente, basa riba con severo e acusacionnan ta y mirando cu e investigacion ta pendiente, a tuma e decision di duna ordo pa nan permanece bao detencion.


Homber sospecha di secuestro deteni pa polis na Hato Airport

(CuraçaoChronicle) - Un escena a desaroya dialuna na Hato Airport, unda autoridadnan a detene un homber cu ta sospecha di ta involucra den un caso di secuestro. E secuestro acusa a tuma luga diadomingo anochi na e barío di Brievengat su area Kaya Augusto Boelijn.

Segun reportahenan, poco prome cu 11or di anochi, e sospechoso aparentemente a obliga un muhe drenta su vehiculo prome cu el a huy for di e escena cune. Afortunadamente, e autoridadnan a logra localisa e victima despues na un adres na Seru Fortuna Kaya Yobida.

Intendo evadi su captura, e sospechoso a purba bay for di e pais dialuna. Sinembargo, polis a interveni, deteniendo su persona na Hato Airport prome cu e por a subi e vuelo. E individuo den detencion a keda identifica como un Curasoleño di 27 aña, manera autoridadnan a confirma riba diamars anochi.

Den e curso di nan investigacion, autoridadnan a conduci un buskeda amplio na e sospechoso su residencia na Kaya Shers, situa na Koraal Specht. E individuo deteni a ser hiba dilanti fiscal asistente, ken a duna ordo pa su detencion temporario mientras ta sigui busca informacion tocante e caso.



A investiga varios polis Hulandes pa extremismismo anti-institucional

(NLTimes)—Polis Hulandes actualmente ta investigacion varios di nan agente pa extremismismo anti-insitucional, un vocero a confirma na NU.nl. E empleadonan aki ta kere e teoria di conspiracion cu e mundo ta boa control di un “elite malvado.”

E vocero no por a bisa cuanto agente tabata bao investigacion. “Esaki ta pasobra e concepto cu ta cay bao di extremismismo anti-institucional ta hopi amplio,” el a conta e corant. “Y pasobra por tin varios curso di accion cu ta causa un investigacion exploratorio of disciplinario.”



Agentenan policial tambe tin libertad di expresion. Pero tambe nan ta pasa den proceso di huramento, den cual nan ta priminti neutralidad ora nan cuminsa traha pa polis. E huramento ta priminti lealtad na

e Rey Hulandes, constitucion y leynan. “Comportamento of expresionnan cu ta bay den conflicto cu esaki no ta pas cu polis, hasta si bo bisa of haci esaki den bo tempo priva.” Diamars e coordinador di anti-

terrorismo, NCTV, servicio di inteligencia AIVD y polis a adverti tocante un grupo creciente di hende cu ta considera nan mes “soberano.” Hende den e grupo aki tambe ta kere den e “elite malvado” y sa bay en contra cu institucionnan gubernamental. Tambe nan no ta confia ciencia y media. Segun NCTV, e grupo di “soberanonan” no ta grandi suficiente pa ta un menasa real, pero e hecho cu nan cantidad ta creciendo ta preocupante. Institucionnan gubernamental manera Belastingdienst, municipionan y e Consejo Electoral a ricibi “miles di carta di ciudadanonan cu ta purba di pone nan pafu di sociedad,” e

rapport a bisa.

Autoridadnan a bisa cu e mayoria di “soberanonan” no tin un historia violento, pero si tabatin incidente di intimidacion y menasa contra politiconan local, sirbidonan civil y reporteronan, entre otro.

Grupo di accion Control Alt Delete, cual ta combati cu perfilacion etnico di polis, ta haya e hecho cu polis no por bisa con hopi di su agentenan ta bao sospecho di extremismismo anti-institucional hopi remarcable. “Aparentemente, perspectiva nan ultra-derechista ta asina normalisa cu polis mes no ta reconoce nan.”

Segun Algemene Rekenkamer

Gobierno Hulandes no a haci suficiente pa preveni corrupcion den compra di vacuna di Covid

(NLTimes) – Den e dianan inicial di pandemia di coronavirus, ministerio di Salubridad Publico Hulandes no a haci suficiente pa preveni corrupcion den compra di vacuna, segun Algemene Rekenkamer a conclui den un rapport. Tambe a bisa cu considerando tur cos, minister di Salud e tempo ey, Hugo de Jonge a haci un trabao “razonablemente bon.”

E prome diagnostico di Covid-19 a tuma lugar na Hulanda na fin di februari 2020. Algemene Rekenkamer a investiga con gobierno a cumpra e prome vacunanan di Covid-19 na 2020 y 2021. Hulanda a gasta 1.8 biyon euro den compra vacuna e añanan ey. Esaki ta exclui e costo di administra e vacuna.

Un luna despues di e prome diagnostico di Covid-19, gobierno a nombra Feike Sijbesma, ex-CEO di DSM, como enviado special pa companianan cu por yuda combati coronavirus – fabricantenan di test y e companianan farmaceutico trahando riba vacuna. Ruman homber di Sijbesma tabatin un posicion halto na desaroyador di vacuna AstraZeneca e tempo ey. “Ora Sijbesma a asumi su cargo, e ministerio no a discuti posible conflictonan di interes cune,” Algemene Rekenkamer a bisa.

Posicion di su rumen homber a bira un problema algun luna despues, ora Alemania a haci pregunta tocante esaki despues di un reunion entre paisnan Europeo riba cooperacion. Algemene

Rekenkamer a referi na esaki como “un incidente doloroso.”

E investigadornan a insisti cu nan no a haya indicacion cu Sijbesma a faborece AstraZeneca. Pero e ministerio di Salud mester tabata mas alerta na e apariencia di corrupcion aki.

Algemene Rekenkamer tambe a conclui cu conocimiento di e ministerio riba con tabata desaroya, produci y entrega vacuna di Covid-19 “tabata y a keda” insuficiente. Politica Hulandes tambe tabata influencia pa “contacto trempan y deseonan pa” e compania farmaceutico basa na Leiden, Janssen, segun Algemene Rekenkamer a skirbi.

A pesar di e critica aki, Algemene Rek-



enkamer a conclui cu De Jonge a haci un trabao “razonablemente bon” como minister di Salubridad Publico ora e pandemia a cuminsa. “E minister no tabata prepara pa un brote di e magnitud di Covid-19, pero den corto tempo, el a logra haya un manera pa stimula e desaroyo di vacuna y cumpra vacuna cu ta traha. E vacunanan aki a resulta di e ta e salida principal for di e pandemia global,” Algemene Rekenkamer a bisa.



(NLTimes) – Periodistanan na Hulanda cada bes mas ta enfrentando menasa di accion legal – hende ta menasa di demanda nan pa un publicacion. Y esaki ta conduciendo na auto-censura, problema psicologico y presion financiero, specialmente pa periodista freelance y medianan chikito, segun Free Press Unlimited (FPU) a haya den un

encuesta di mas di 50 periodista, hefe di redaccion, abogado y otro partidonan.

“Ademas di intimidacion y agresion online, periodismo independiente na Hulanda ta bin bao cada bes mas presion di e menasa di accion legal,” director general di FPU, Ruth Kronenburg a bisa. “Si periodistanan cuminsa aplica auto-censura bao presion di accion

Menasa di accion legal contra periodistanan Hulandes conduciendo na auto-censura

legal, esaki ta preocupante no solamente pa nos medianan di comunicacion pero specialmente pa nos democracia.”

Segun FPU, periodistanan ta enfrenta tres tipo di presion di accion legal contra nan – e impacto financiero di e proceduranan, e tempo inverti den prepara pa e proceduranan, y consecucionan psicologico, specialmente den caso unda ta ataca nan publicamente. “E efectonan aki hopi biaha indirectamente ta impulsa auto-censura,” FPU a bisa. “Periodistanan ta haci nan storianan mas zwak, ta omiti informacion verifica, of no ta sigui cu investigacion pa evita conflicto legal.” Hopi periodista ta indica cu e menasa di accion legal ta

causa stress severo, ansiedad y peso psicologico – algo cu hopi biaha nan editornan ta subestima, FPU a bisa.

Periodistanan freelance y esnan trahando pa medianan mas chikito ta sufri mas bao e presion aki, e estudio a muestra. “E grupo aki ta esun mas vulnerable pa e efectonan posible y pues tin mas probabilidad di usa auto-censura.” Pero periodista pa publicacionnan mayor tambe ta experimenta varios preocupacion silencioso tocante con pa paga gastonan legal, a pesar di e proteccion ofreci pa traha pa un titulo mayor.

Segun FPU, e presion legal mas grandi riba periodista ta

bin di e Demanda Strategico Contra Participacion Publico (SLAPP). “E demandanan aki hopi biaha ta bin di individuonan afluente y poderoso contra periodista, defensor di derechonan humano y organizacionnan di sociedad civil cu meta pa intimidar, presiona y silenciar nan.”

FPU a bisa cu ley actual na Hulanda ta duna opcion contra abuso di ley procedural, pero no ta ofrece proteccion practico contra casonan SLAPP. Consejo Europeo ta bay firma un directiva hopi anticipa pa protege periodista y defensoran di derechonan humano contra SLAPP e siman aki, y FPU a urgi Hulanda pa agrega esaki rapidamente na ley Hulandes.

Husticia Argentino ta congela bienes di ex-presidente Alberto Fernandez pa presunto corrupcion

(El Pais) – Husticia Argentino ta avansa contra ex-presidente Alberto Fernandez den e causa cu ta investiga un scandal di seguronan, diamars ultimo den oranan di anochi, hues federal a ordena congela e bienes di e dirigente peronista.

Ademas di a congela su bienes e hues Julian Ercolini tambe a ordena lanta e secreto fiscal y bancario riba su cuentanan pa busca pistanan cu ta confirma of desmenti si a viola su debernan como funcionario publico den e contractnan di polisa di seguronan estatal realisa den su gestion (2019-2023).

E causa ta investiga supuesto irregularidad cometi den un decreto presidencial di Fernandez di final di aña 2021 den cual a impone na Administracion nacional e obligacion di contrata polisanan di seguro a traves di Nacion Seguros, di capital publico. Husticia tin sospecho cu e decreto ey a habilita contractnan di personanan interme-



diario cu a haya comision misionario riba e balor di mercado.

Fernandez ta sospechoso pa e vinculo di amistad cu tin cu un di e intermediario di e seguronan investiga, Hector Martinez Sosa, casa di su secretaria, Maria Marta Cantero. E ex-presidente, al contrario,

ta insisti cu e ta inocente y fuentenan rond di dje ta considera cu e hues a presta su mes pa un “operacion formidable di un grupo di medianan.” E supuesto fraude a ser revela pa e corant El Clarin, opositor di kirchnerismo.

Ademas e medida hudicial ta impedi Fernandez di bende

of dispone di su propiedadnan. Tambe a kita e acceso na su cahanan di siguridad. Ercolini a tuma e decision aki bao pedido di fiscal Carlos Rivoli, ken ta busca evidencia di e posibel entrega di contractnan di seguronan na compania di Martinez Sosa, un di esnan cu a haya mas

beneficio. E resolucion hudicial tambe ta ordena congela bienes di otro personanan investiga.

Ercolini a manda un carta na Banco Central na unda ta pidi “pa procede cu e ceramento di cahanan di siguridad” di 33 persona y companianan di e cual nan propiedadnan a keda congela. E obhetivo ta pa por ehecuta nan prome cu un castigo, demanda civil lo tuma luga of debi na “un confiscacion eventual pa loke ta trata e ganashinan producto di actonan ilicito, y di e forma aki evita cu lo consolida e probecho deriva di e efectonan di e delito.”

Scandal di e seguro ta investiga den dos causa, ambos den man di Ercolini, e prome a cuminsa for di e denuncia di e abogado Silvina Martinez. Gobierno a presenta como demandante den e segundo pa denuncia e supuesto irregularidad di e seguronan cu tabata contrata pa duna cobertura na pensionadonan cu tabata saca credito di e sistema di siguridad social (Anses).

Mexico: Secretaria di salud ta emiti un alerta epidemiologico pa sarampi

(El Pais) – Secretaria di Salud di Mexico a emiti un alerta epidemiologico pa deteccion di casonan di sarampi, e dependencia federal a haci un yamada na tur centro di salud pa vigila e posibel contagionan y tuma medidanan pa evita “e reintroduccion di e virus.”

Sarampi ta un malesa viral hopi contagioso, segun loke secretaria ta enfatisa, a confirma caba cuatro caso y nan ta analisando 855 mas. Te ayera, pashentnan confirma ta “casonan importa,” pa loke e dependencia ta busca evita cu lo origina un contagio local.

E prome caso di sarampi na Mexico pa e aña aki a ser identifica dia 14 di maart, tabata trata di un mucha di un aña y ocho luna, cu nacionalidad Rumano y residente na Hungría, cu den ultimo lunanan a biaha pa Francia y Gran Bretaña prome cu lo a yega na Ciudad di Mexico. A realisa e deteccion di e malesa na mesun aeropuerto di e capital, na unda e mama a referi cu e sintomanan a cuminsa un dia prome. Despues di e confirmacion di e diagnostico di



sarampi, Gobierno a cuminsa e protocol di respuesta rapido, pero den siguiente dianan a identifica tres caso nobo.

Den e vuelo di London pa Mexico tambe a contagia un adulto Mexicano cu nunca a haya vacuna contra sarampi, otro di origen stranhero –di e cual autoridadnan no a duna detayenan– y un baby Britanico, di seis luna cu no por a ricibi e dosis sino te ora e lo cumpli un aña.

“Sistema Nacional di Vigilancia epidemiologico di Mexico

ta continua e seguimiento di tur e contacto pa identifica di manera lihe si ta presenta sintomanan, loke ta permiti haya e casonan importa, y establece accionnan inmediato pa limita e cadenanan di transmision,” Secretaria di Salud a señala dia 6 di april ultimo. Siman aki e dependencia a emiti un “aviso nobo pa tur unidad medico di prome, segundo y di tres nivel di atencion debi na deteccion di casonan importa di sarampi,” ademas a enfatisa na centro-

nan medico pa sigui e protocolnan, a recorda na famianan e importancia di vacuna e muchanan contra e malesa aki “cu e proposito di evita cu lo registra mas casonan local di sarampi na e pais.”

Na nivel global, aumento di casonan di sarampi ta di mas di 3.000% na Europa y Asia Central, segun ultimo datonan di Organizacion Mundial di Salud. Entre januari y december 2023 a constata 30.601 positivo, compara cu 938 di aña 2022. Unicef, or-

ganismo di Nacionnan Uni pa infancia, a adverti cu esaki ta debi na caida di vacunacion, cu te pandemia a bin aumentando su numbernan. Mexico ta considera un pais na unda sarampi ta elimina, di parti di e organisacionnan aki, p’esei Secretaria di Salud ta indica cu “ta importante pa mantene e clasificacion di detecta casonan oportunamente y mantene e personanan vacuna.”

Republica Dominicana: Gobierno ta presenta proyecto pa un ley nobo di libertad di expresion

(DiarioLibre) – Presidente Luis Abinader a presenta e proyecto di Ley di Libertad di Expresion, Medionan Audiovisual y Plataforman Digital, mediante cual ta busca actualisa e legislacion vigente y crea disposicionan nobo legal, conforme e transformacion di e ecosistema di comunicacion den siglo XXI.

Durante su encuentro LA Semanal, e mandatario a dedica gran parti di e actividad na e presentacion di e proyecto aki, elabora pa un comision consultativo cu el a crea mediante e Decreto 333-22, di 23 di juni 2022.

Cu e abogado y periodista Namphi Rodriguez manera coordinador di e Comision y varios di su integrantes, e propuesta a bira conoci, cual ta busca actualisa e Ley 6132 tocante Expresion y Difusion di Pensamento, vigente desde 1962.

E proyecto di ley ta contempla e eliminacion di e Comis-



ion Nacional di Espectaculo Publico y e creacion di e Instituto Nacional di Comunicacion (Inacom).

E draft presenta na e mandatario, pa despues wordo entrega na e Congreso Nacional, cu e meta pa discusion y aprobacion, ta e resultado di lunas di consulta cu diferente sector di e ambito di comunicacion, incluyendo director- y propietario de

medionan, incluyendo e Sociedad Dominicana de Diarios (SDD), periodista- y dirigenten di e colectivonan cu ta uni comunicadornan, manera e Colegio Dominicano de Periodistas (CDP)

Inacom, e organismo cu cual ta propone reemplaza e Comision Nacional di Espectaculo Publico a ser concebi como un entidad descentralisa di e Gobierno,

cual su direccion ta bay ta designa pa e Congreso, cu un direccion ehecutivo y ta bay tin autonomia funcional y financiero.

Durante LA Semanal cu prensa, Abinader a presenta un parti di e comision consultativo cu a elabora e propuesta, coordina pa Rodriguez.

Rodriguez a bisa cu nan a fiha

e puntonan pa actualisa e legislacion na e temponan nobo. El a destaca cu e proyecto lo renoba e Ley 6132, cu ta un adaptacion di un legislacion Frances di 1881.

Segun Rodriguez otro puntonan cu e pisa lo aborda ta e regulacion di contenido den medionan audiovisual relaciona cu e proteccion di infancia, derecho di hende muhe, produccion di cultura nacional y proteccion efectivo den e via administrativo y pluralismo. Tambe ta contempla e aspectonan relaciona na acceso liber di internet.

Ariba e pregunta si e proyecto ta bay regula e contenido ariba rednan social, presidente Abinader a reconoce cu esey ta un tema preocupante.

E mandatario a expresa cu el a ricibi e draft y cu e no a haci ningun cambio, ademas, el a felicita e delegacion y a expresa cu esaki ta un di e proyectonan cu tin mas prioridad

Segun cifranan di gobierno, e cantidad di indigente na Cuba a triplica

(CiberCuba) – Indigencia na Cuba ta un realidad cu e gobierno no por sconde manera tabata haci den temponan pasa. E cifranan di un aña pa otro, ta demostra aumentonan significativo di e pobreza extremo na e isla.

Segun Ministerio di Trabao y Seguridad Social (MTSS), na Cuba a registra tres mil 690 persona indigente entre aña 2014 y 2023, un reportaje di e corant oficialista Trabajadores a indica.

Un cifra cu no ta cuadra y cu no ta conta esnan cu pa diferente razonnan mester a recurri na indigencia dilanti iglesianan, of dilanti e tiki turistanan, cu cada aña ta yega e isla Caribense. Tampoco e ta conta esnan cu pa motibo di e prijsnan halto, escasez di alimento y salario y pensioen abao mester a recurri na busca den barinan di sushi cuminda pa nan por yena nan stoma.

Definitivamente, e numbernan ta un aliado necesario pa respalda tur e argumentonan aki, sobre todo ora cu ta tene

na cuenta cu den e Censo di Poblacion y Vivienda di aña 2012, e ultimo cu a wordo realisa na Cuba, a conta mas di 1.100 persona cu tabata biba riba caya. Pa 2015, e cifra a aumenta te na 1.261, e report menciona ta indica.

Hopi tin di haber cu e dinamica di crecemento, e poder di compra abao, migracion, embebecimento, escasez di alimento y medicina, hunto cu e medidanan cu e gobierno central ta ehecuta den perjuicio di su poblacion.

Pa hustifica un panorama cu ta cada biah mas abundante y denuncia a traves di canalnan social y medionan independiente, Belkis Delgado Caceres, director di Prevencion Social di MTSS, ta sigura cu “no tur hende cu ta riba caya, cu un aspecto descuida, tirando bista den un bari di sushi, drumiendo ariba banki of pidiendo placa, ta wordo considera ambulante,” e termino poco mas bunita cu e regimen ta usa pa no yama nan indigente.

E mesun directiva ta duna un

charla di ken ta esnan cu ta cualifica den e condicion ey di deambulante, segun e gobierno. “Esnan cu ta deambula ta esnan cu no ta posee e condicionnan pa mantene na cas y ta riba caya; Generalmente tin un porciento determina cu un trastorno psiquiatrico, mientras cu otro porciento eleva ta adultonan mayor.”

Sinembargo, loke ta mas interesante den su confirma-

cion ta cu e ta bisa cu e gobierno no tin alternativa pa e personanan cu ta biba riba caya cu ta menor di 60 aña. “Pa esnan cu ya nos no tin e alternativa cu nos tabatin na 2014, cu nos tabata papiando di hogarnan di anciano, di hospital psiquiatrico, ora cu e persona tabatin un trastorno y e transformacion den su famia pa nan bolbe na nan medio familiar, cu ta lo ideal y loke mester haci,” el a ex-

pone.

Cuba ta actualmente e pais mas pover na Latino America, segun DatoWorld, un observatorio electoral internacional reconoci cu ta evalua e parametro manera e ingreso per capita, e acceso na servicionan di salud, seguridad social, alimentacion y espacionan di vivienda.



Cambodia ta investigando YouTuber su abuso di macaco na sitio di UNESCO Angkor



(AP) – Un macaco baby ta purba di scapa for di e homber cu tine gara na su nek, hincando e den awa varios biaha. Den otro video, un persona ta hunga cu e parti priva di un macaco chikito sinta riba un bloki pa e macaco excita pa e camara.

Abuso di macaco na Angkor UNESCO World Heritage Site na Cambodia no semper ta asina grafico, sinembargo autoridadnan ta bisa cu e ta un problema cu ta keda aumenta mientras hende ta keda busca maneranan nobo pa motiva e audiencia online pa mira e video pa asina nan genera ganashi. “E macaco mester ta bibando den su habitat natural, unda nan mester ta, pero

e macaco awendia ta ser trata como un mascota domestico,” Long Kosal, vocero di APSARA, e oficina di Cambodia cu ta monitor e sitio arkeologico, a comenta.

“Nan ta haci e contenido pa genera ganashi riba Youtube, cual ta haci esaki un problema hopi grandi pa nos.” APSARA tin algun herment pa stop e YouTubernan di graba en general, pero a habri un investigacion cu e Ministerio di Agricultura pa colecta evidencianan di accion legal contra e abusadornan mas serio, kendenan masha poco ta riba camara nan mes, Long Kosal a bisa. “Si nos por crea un caso, nan lo keda aresta di mes,” el a comenta. “Cualquier abusador di animal lo keda

seriamente castiga pa ley na Cambodia.”

YouTube, Facebook y otro websitenan a kita e videonan cu contenido grafico, pero tin varios otro video di macaconan ta bula y hunga cu ta permanece, generando miles di bishita y subscripcion.

Solamente haci un video interactuando cu un macaco ta involucra un interaccion cercano cu e macaco, sinembargo e autoridadnan y activistanan di derechonan di animal ta crea un gran cantidad di otro problema, ambos pa e macaco y pa personanan cu ta bishitando un di e sitionan di turistanan popular.

Un dia recien pafo di Angkor su Bayon Temple, por lo menos un decena di YouTuber, tur homber hoben, rond di un grupo chikito di macaconan di rabo largo, tabata pushando pa haya imagen di e mama cu un baby riba su lomba y tabata sigui e mama tur caminda cu e tabata move.


“E turistanan ta carga nan cuminda rond y e macaconan

ta purba coy esaki,” Long Kosal a splica, mustRANDO potret riba su telefon di heridanan recien causa pa e macaconan. “Si e turistanan resiste, nan ta morde y esaki ta peligroso.”

E buskeda pa cuminda di turistanan ta haci cu e macaco ta sali for di e selva y ta drenta e templo su territorio, cual

ta causa otro dañonan, el a agrega.

“E problema ‘kinan ta e videonan aki genera pa traha placa,” el a bisa den un entrevista cu Phnom Penh. “Si hendenan cu no gusta e tipo di cosnan aki lo stop di miran, esaki lo yuda resolve e problema.”



“Barcadera su caminda tin mas buraco cu e luna mes”

Chauffeurnan cu ta core nan auto riba caminda di Barcadera ta cansa di e mal estado di e carretera aki, yen di buraco y asfalt mal basha cu a tuma laga algun tempo caba.



Ora ta coriendo auto den area por sinti con e auto ta cuminsa bati y sinti e efectonan di e carretera e cual por tin mas buraco cu e luna mes.

Mirando cu campaña a cuminsa lo ta bon pa haya sa si e caminda aki tambe ta den plannan pa haya un renobacion ya cu tin hopi compania den area aki incluyendo un di e mas importante cu ta e waf di Barcadera, entre otronan.

Recientemente, diferente parlamentario a cuestiona esaki aki, manera e parlamentario Marisol Lopez-Tromp e cual den un video a muestra diferente camindanan di Aruba cu mester di un renobacion y/of asfalt nobo, DOW a entrega su presupuesto y prome minister Evelyn Wever-Croes tambe a sigura cu tabatin fondonan disponibel pa esaki, “e molester di careteranan den mal estado tin atencion y prioridad” pero esey tabata na februari 2023.

Ex-edificio Aduana tambe ta den proceso di deterioro



Manera a bira custumber caba na Aruba, hopi edificio cu antes tabata wordo usa pa scol, oficina di departamentonan di gobierno of pa cualkier otro funcion cu ta resalta bao gobierno, ta wordo bandona, pa motibo di mudansa, y e edificio bieu ta keda eynan para sin ningun otro funcion y ta pasa pa un proceso di deterioro.

Tal ta e ehempel di e ex edificio di Aduana, situa riba L.G. Smith Boulevard, den pleno centro di ciudad. E edificio cual tabata cas pa Departamento di Aduana ta pasando den un



proceso di deterioro pa motibo di e tanto añanan cu e tin bandona y cu ningun bista pa e wordo remodela.

Completamente cera y bentananan tapa cu plywood ta loke turistanan, sobre todo turistanan crucero, ta mira ora cu nan ta disfruta di un paseo den e centro di ciudad.

Aunke cu e edificio no ta muestra di ta habita pa adiconan ambulante, esaki no ta wordo descarta como un posibilidad den futuro. Ta spera cu gobierno of instancia concerni por actua pronto y no laga otro edificio bay perdi.

Bureau Traimerdia a inicia April cu tayer pa tur su trahadornan

Durante siman tras di lomba Bureau Traimerdia a cera pa publico pa asina e Groepsleid(st)ernan y Cabesantenan por a asisti na un siman di tayer pa asina engrandece nan conocemento pa sigui atende cu nos muchanan exitosamente.

Tayernan cu nan a atende tawata:

- Di Sr. Bert Wielenga riba e topico hecting como tambe Subjectief & objectief rapporteren.
- Disciplina Consciente cu concentracion riba e topico compostura di Sra. Janine Fingal.
- Gesprekstechnieken for di Sr. Johnny Boekhoudt.
- Di Sra. Rocheline De Cuba riba e topico di ADHD.
- A termina e siman na unda e lidernan a traha activamente riba un presen-

tacion con nan lo aplica tur e enseñansa ricibi na nan centro cu e muchanan. Lidernan di Bureau Traimerdia a experiencia un siman sumamente exitoso y fructifero. Bureau Traimerdia ta gradici tur e oradornan y tambe e personal di Bureau Traimerdia.



Studiante Claire Durang ta inicia estudio tocante comunidadnan di piscado den cuadra di transformacionnan global

Mi nomber ta Claire Durang, y mi ta un estudiante di Universidad di Utrecht. Mi ta tumando parti di un proyecto di investigacion basa riba comunidad di Aruba bou auspicio di Universidad di Aruba y Departamento di Agricultura, Cria y Pesca (Santa Rosa).



Mi investigacion lo explora e retonan y vulnerabilidadnan cu piscadonan y nan famia ta enfrenta den temponan di cambionan global cu ta tumando lugar. Transformacionnan global den e caso aki ta inclui e impacto cu islanan ta enfrenta di e.o. cambio climatico, e necesidad pa paisnan a tene metanan di desaroyo sostenibel, y traha pa yega na un turismo sostenibel. Pa compronde miho con e transformacionnan aki ta afecta e comunidad di piscado di Aruba, lo haci un estudio proximamente.

Investigacion:

Mi ta desea di bishita piscadonan y comunidad y scucha storianan cu algun di nos piscadonan y nan famia ta dispuesto pa comparti. Mas

specificamente, mi ta ansioso pa siña for di piscadonan di Aruba, con lo por crea e balansa entre implementa deseonan di conservacion, manera areanan di parke marino, mientras envolviendo, escuchando y tumando na cuenta e necesidadnan

di stakeholder local manera piscado di Aruba particularmente. Pa logra metanan comun den practicanan di bon gobernacion, ta esencial respetanan tur partidonan envolvi. Den e caso di piscamento, e ta particularmente importante pa proteha e recurso natural, mientras ta percura pa tradicion y entrada economico cu ta depende di e recurso natural sigui wordo eherce. Proteccion di naturalesa lo mester keda implementa cu suficiente conscientisacion, envolvimento di gruponan di interes y p'esey no por bin a costo di negligencia e necesidad y deseonan di comunidad di piscadonan. Mi ta desea di curason pa por observa, scucha y compronde e punto di bista di piscadonan di Aruba mes. A traves di un colaboracion estrecho cu Santa Rosa su seccion di pesca, mi ta desea y lo purga di acerca mas tanto piscado di Aruba, di tur tipo, cu ta posibel pa asina por logra un bista mas completo y corecto pa e investigacion. E pensamiento ta cu e estudio aki por contribui pa mihor meta y vision pa formulacion di maneho practico pa futuro.

TARA LOUNGE
by Elements
RESTAURANT

SUNDAY BRUNCH
\$110 PER COUPLE | CHAMPAGNE INCLUDED
11:45 AM - 3 PM | ADULTS ONLY | CASHLESS
AC INDOOR & OUTDOOR SEATING
RESERVATIONS REQUIRED
elementsaruba.com | +297 583-1100 ext 3

Accidente pa falta di preferencia na rotonde Tarabana

Dialuna atardi a drenta informe di un accidente na e rotonde Tarabana, mesora a dirigi un patruya na e sitio.

Na yegada di e patruya a bin compronde cu aki ta trata di un accidente pa falta di preferencia. Afortunadamente ningun hende a resulta herida.



Chauffeur a baha caminda y bay dal riba un palo di luz na Sabana Grandi

Diamars madruga a drenta informe di un accidente na Sabana Grandi, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un Mitsubishi Lancer a baha caminda y a bay dal riba un palo di luz. Afortunadamente ningun hende a resulta herida.



Polis y bomberonan a bay Kudawecha pa 3 candela



Dialuna atardi birando anochi a drenta informe di cu tin no un pero 3 caminda candela cerca di

otro na Kudawecha, mesora a dirigi bomberonan na e sitio pa paga esaki.

Na yegada di bombero nan a cuminsa na paga esun cu tabata mas cerca di un cas y despues a sigui pa e otronan.

Chauffeur a bay dal tras di e auto su dilanti na Santa Helenastraat



Diamars mainta a drenta informe di un accidente cu hende herida na Santa Helenastraat, mesora a dirigi tanto polis como ambulance na e sitio.

Na yegada di e patruya a bin compronde cu e dama

chauffeur di e Volkswagen Up! no a regula su velocidad ni a mantene distancia y a bay dal tras di e Hyundai Accent su dilanti. Debi na e impacto e dama chauffeur tabata keha di dolor, na yegada di e ambulance nan a atende e dama.

Homber di edad a sali for di cas pa anciano na Tanki Leendert y a yega te na Tanki Flip



Diamars mainta a drenta informe di cu un homber di edad a yega Tanki Flip tur bruha, mesora a dirigi un patruya na e sitio.

Na yegada di e patruya a bin compronde cu aki ta trata di un cliente di un cas di anciano cu a yega te eyan. Polis a percura pa e yega su sitio bek.

Doño ta descubri adicto ambulante ta kibra su auto pero toch el a logra huy

Dialuna mainta tempran a drenta informe di un lucha andando na Noord, mesora a dirigi un patruya na e sitio.

Na yegada di e patruya nan no a encontra cu nada. Un rato

despues nan a ser avisa cu ta patras di e adres e cos mes a tuma lugar. Ora a regresa na e sitio a bin haya sa cu e adicto ambulante G.P. A ranca na e frame di e porta kibra e glas y e doño a sali pafu door di e zonido y a wak e adicto y a

bay su tras. Den un forsageo a gar'e na su flanel pero a logra kita e flanel y esaki a cay abao y e sospechoso a logra huy pero sin nada. Pero ademas e doño a keda cu gasto di drecha e porta pa e daño causa



Polis a detene chauffeur burachi coriendo malo net ora el a yega su cas

Dialuna atardi a drenta informe di cu tin un chauffeur coriendo auto bao influencia y treciendo trafico den peliger riba caminda.

Ta trata aki di un chauffeur den un v-wagen polis a logra yega na cas di e chauffeur y a detene pa a core auto burachi y trece trafico den peliger.

Hobencita turista haya benta banda di caminda panort di Ritz Carlton

Dialuna atardi a drenta informe di cu tin un hende benta abao cu lo a caba di cay banda di caminda panort di Ritz Carlton, mesora a dirigi tanto polis como ambulance na e sitio.

Na yegada di e patruya a bin compronde cu a haya un hobencita turista cu tabata inconsciente benta banda di caminda. E victima no tabata papia nada ambulance a atende y a transporte pa hospital. Polis a sigui busca informacion y a logra haya sa cu e mayornan ta na un can-



cha di tennis den cercania y a avisa nan di e sucedido y mesora a bay hospital y tambe

slachtofferhulp tambe a bay na hospital pa asisti e famia cu consuelo y guia.

Ladronnan a kibra drenta horta den cas na Meiveld y bay cu un auto di e famia



Diadomingo atardi a drenta informe di un caso di kiebri y ladronia na un cas na Meiveld, mesora a dirigi un patruya na e sitio.

Na yegada di e patruya a bin compronde cu ademas di a kibra drenta horta pertenecianan a haya yabi di un auto y a bay cu e auto for di e sitio. Ta trata aki di e Suzuki Every

color blanco A66630. Polis a pasa e investigacion na e team di recherche encarga cu ladronia.



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 17 MEI 2024 om 10:00 uur 's-morgens in het Auditorium van de Kamer van Koophandel en Nijverheid te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

het recht van erfpacht tot 1 september 2055 op een perceel domeingrond, groot eenduizend zeshonderd acht vierkante meter (1.608 m²), gelegen te Eagle in Aruba, kadastraal bekend als **Eerste Afdeling Sectie K nummer 2601**, met het daarop gebouwde appartementencomplex en verder toebehoren, plaatselijk bekend als :

SCHOTLANDSTRAAT 48

Inzetprijs: Afl. 2.408.000,--

• Een ieder kan een onherroepelijk en onvoorwaardelijk onderhands bod uitbrengen tot uiterlijk donderdag 2 mei 2024 ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com

Het formulier is op de website www.newleafaruba.com verkrijgbaar.

• Iedere bieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

• De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

• Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Bucuti & Tara Beach Resort ta adopta UN Sustainable Development Goal 3 pa un awe y mañan mas saludabel

Bucuti & Tara Beach Resort, Aruba ta continua di anuncia su compromiso pa promove e Metanan di Desaroyo Sostenibel (SDGs) di Nacionnan Uni, unda cual e ta ya caba activamente adoptando casi tur.

Esun cu nos ta bay mira awe ta SDG 3: Bon Salud y Bienestar, cu ta enfoca pa garantisa un bida saludabel y promove bienestar pa tur na tur edad, den su operacionnan, experiencia di huesped y alcance comunitario. Esaki ta e mas reciente mientras cu ta sigui revela e SDGs cu ta fortalece un vakantie na e prome y unico hotel certifica carbono-neutral den Caribe.

Sostenibilidad ta hancra den henter e operacion y experiencia di e resort. Pa medio di un serie di iniciativa inovativo y asociacionnan, Bucuti & Tara ta sigui pone e standard pa practicanan di hospitalidad sostenibel den Caribe. E resort ta un propiedad independiente, maneha pa su doño cu ta traha incansablemente pa reinverti den su infraestructura, personal, comunidad y huespedes. Puntonan principal di e compromiso di e resort pa SDG 3: Bon Salud y Bienestar ta inclui:

Enfoke riba huesped

Bucuti & Tara ta ofrece huespednan un programa amplio di bienestar (wellness) guia pa specialistanan cer-

tifica, diseña pa promove bienestar fisico, mental y emocional. For di sessionnan di yoga of personal training, y meditacion riba lama te na opcionnan di cuminda saludable prepara den porcionnan regula, huespednan tin acceso na experiencianan holistico cu ta rejuvenece e curpa y alma pa un bida optimo y sigur.

E resort ta ofrece huespednan acceso na facilidadnan di fitness innovativo, incluyendo un gimnasio completamente ekipa cu bicicletanan y mashin di cana cu ta genera electricidad y un cabana pa tratamiento di spa na canto di lama. E resort por asisti huespednan cu huur di bicicleta y vehiculonan electrico pa explora e isla y reduci emision di carbon.

Huespednan por relaha sabiendo cu nan ta keda na un resort cu ta protehe e aire cu nan ta respira danki na purificadonan di aire y humidificadonan. E awa di kranchi di nos isla ta entre esnan cu calificacion mas halto segun e Organizacion Mundial di Salud, pero pa mayor seguridad e resort ta uza tecnologia UV pa preveni legionella of e procreacion di cualkier bacteria of pathogeen. Ademá, cada huesped ta ricibi un cantina como regalo pa yena awa cada biaha durante nan estadia pa preveni e consumo di botter di awa di plastic. Cambernan ta wordo limpia y desinfecta cu pro-

TOCOLONAN HOSPITALARIO Y DI TECNOLOGIA HALTO.

Enfoke riba personal

Ofreciendo un experiencia saludabel pa huespednan ta cuminsa localmente cu cuido pa e recurso mas valioso di e resort, su asociadonan keri. Tin protocolnan riguroso na lugar asegurando cu cada miembro di personal tin un luga di trabou sigur y saludabel. Limpieza ta involucra solucionnan di limpieza eco-friendly y sin quimiconan toxico, y entrenamiento continuo ta tene personal informa di e mehor practicanan. Bucuti & Tara ta duna membresia di gym pa empleadonan na Cuts and Curves, seguro priva, programanan y oportunidadnan di educacio, apoyo pa salud mental di empleadonan, entrenamiento di diversidad, equidad y inclusion, cuminda nutritivo durante break y un ambiente liber di huma.

Na luga di fiestanan di dia festivo pa empleadonan, cada miembro di personal ta ricibi un canasta di cuminda abundante. Durante e momentonan mas dificil di e pandemia, Bucuti & Tara tabata un di e unico companianan na Aruba cu a mantene 100% di su personal emplea pa nan bienestar y esun di nan famianan riba un isla unda 90% di su GDP ta deriva di turismo. Ayudando personal pa alcanza solucionnan sostenibel den nan bida diario, e resort tambe ta duna green loans pa vehiculonan electrico, energia solar y mas.

Enfoke riba comunidad

E resort ta involvi activamente cu e comunidad local pa promove salud y bienestar. Pa medio di asociacion cu scolnan, proveedornan di cuido di salud, y organizacionnan non-profit, Bucuti & Tara ta apoya iniciativanan cu ta mehora acceso di cuido di salud, educacion, y oportunidadnan recreativo pa tur residentenan di Aruba. E esfuersonan extenso aki ta inclui establece y ta e mayor sponsor di Stimami Sterilisami, cual ta un fundacion cu ta subsidia sterilisacion di cacho y pushi pa asina yuda controla e sobrepoblacion di cacho y pushi riba caya. Desde 2016, e resort a yuda funda alrededor di 37,000 sterilisacion di cacho y pushi local. Ademá, e resort a yuda den programanan pa educa muchanan di scol con pa cultiva y bira empresarionan bendiendo nan cosecha na e restaurante di e resort, un evento recien di inflacion di taira pa consumi menos gasolin, y tin un asociacion cu Universidad di Aruba pa estudio di medio ambiente, hospitalidad, y mucho mas.

Conservacion ambiental

Bucuti & Tara ta traha duro pa preservar y protehe e beyesa natural di Aruba pa futuro generacionnan. Manera e Doño/CEO Ewald Biemans ta comparti, “Nos no ta den e negoshi di

turismo, nos ta den e negoshi di naturalesa. Hende ta bin di tur parti di mundo pa experiencia e beyesa natural di Aruba, specialmente nos lama di santo blanco suave y awa turquesa cla. Mi a muda aki 50 aña pasa. Mientras mi a mira e costa pristino bira yena cu gruanan di construccion jegando te ariba pa construi mega-resortnan y tur dia mi ta presencia con nos recursonan natural ta cabando cada biaha mas rapido cu nos por sosteni.”

Bucuti & Tara ta e prome y unico hotel certifica carbono-neutral den Caribe. Su estructura extenso ta inclui mas cu 400 iniciativanan implementa mientras e resort ta acercando mas cerca na Net Zero. Por medio di iniciativanan directamente relaciona cu SDG 3 manera limpieza di lama pa huesped y personal, esfuersonan di conservacion marino, practicanan sostenibel di mantencion di tereno y e debut di su carbon sink, The Bucuti Tara - GMC Nature Preserve, e resort ta minimalisa su impacto ambiental y ta proteha e salud di e eco sistema di e isla.

“Como solamente uno di e custodionan fiel dedica na paraiso bunita di Aruba, Bucuti & Tara ta reconoce e importancia di duna prioridad na e salud y bienestar di nos huespednan, personal, y comunidad. Door di incorpora Meta di Desaroyo Sostenibel 3 den nos operacionnan di resort, nos ta enriqueciendo e experiencia di e huesped di un manera cu nos ta spera cu nan lo por bay dilanti mientras tambe ta haci un impacto positivo riba sociedad y medio ambiente.”

E compromiso di Bucuti & Tara Beach Resort pa SDG 3 ta un chempel di su dedicacion pa turismo responsabel y ta establece un precedente pa practicanan di hospitalidad sostenibel mundialmente. Door di duna prioridad na salud y bienestar, e resort ta sigui inspira huespedes y coleganan den industria igual pa uni den e caminda pa un futuro mas sostenibel.

Huespednan ta busca mas y mas biahenan orienta na sostenibilidad

Mientras cu bay cu vakantie ta keda tin su escape atractivo di loke ta bida diario y tin experiencianan nobo, biaheronan di awe tambe ta buscando biahenan orienta na solucion sostenibel y inovativo. Conseheronan di biahe di luho, Virtuoso, a revela su top 9 ‘must-have’ experiencia di biahe pa 2024 y entre e criteria cu biaheronan ta buscando ta: wellness. Sostenibilidad como un otro criterio ta sigui crece mientras cu biaheronan ta mira pa practicanan consciente, respet pa comunidad na e destinonan cu nan ta bishita – algo cu Bucuti & Tara ta duna bonbini y ta yudando nan haci esey.



Ajax ta bisa cu no tin evidencia di conflicto di interes cu ex-director Mislintat

(NLTimes) – No tabatin indicacion di un conflicto di interes di ex-director di futbol di Ajax, Sven Mislintat, segun e club di Amsterdam a anuncia e siman aki. E Aleman di 51 aña di edad a haya su retiro na september despues di a perde sosten dentro di e organisacion, Ajax a bisa e tempo ey.

E club despues a anuncia cu lo autorisa un investigacion riba un posible conflicto di interes involucrando Mislintat ora a transferi Borna Sosa na Ajax. “No a identifica un conflicto di interes formal relaciona cu transferencia di Sosa,” e club a bisa den un declaracion adhunto na nan proximo reunion di accionista. “Tampoco a identifica un conflicto di interes cu e otro transferencianan na camin-



da,” Ajax a bisa despues di un investigacion independiente di KPMG Forensic. “Metodo di trabao di Mislintat si ta genera pregunta, pero no tin base pa culpabilidad.”

Mislintat a trece e futbolista riba e ultimo dia di e periodo di transferencia. Agente di tanto Mislintat como Sosa, AKA Global, tabata accionista di e compania Matchmetrics

GmbH rond di tempo di e transferencia. Sinembargo, esaki riba su mes no tabata un problema, segun e investigacion.

“Mislintat a reporta su accionnan na Ajax ora el a join. No a reporta cu AKA Global tambe tabata un accionista di Matchmetrics e tempo ey, pero esey no tabata relevante e tempo ey. Sinembargo, lo a keda na Mislintat pa reporta esaki den e contexto di e transferencia subsecuente di Sosa.”

E hecho cu Sosa a contrata otro agente na ultimo momento tampoco mester keda considera como problematico. “Basa riba e informacion disponible, no a identifica irregularidadnan.”

E investigacion riba otro transferencianan involucrando Mislintat ainda no a duna ningun indicacion di un posible conflicto di interes. E ex-director a trece 12 hungador nobo na e club.

Seleccion di Aruba a konkista 54 medaya den Carifta Aquatics Championship 2024



Diabierna atardi den un esfera ameno, Minister Endy Croes a ricibi nos Seleccion di Landamento y Seleccion di Landamento Artistico den e VIP room di Aeropuerto Internacional Reina Beatrix.

Manera ta conoci, siman pasa nos atletanan a competi den Carifta Aquatics Championships 2024 cu a tuma luga na Nassau, Bahamas y Fort Lauderdale, Florida. Carifta ta e competencia di e mihonan di Caribe. E aña aki alrededor di 400

atleta di 21 pais a participa.

Famia y amistad tabata ansioso sperando e yegada di nos atletanan. E hobennan a konkista un total di 54 medaya den dos diferente disciplina acuatico: landamento y landamento artistico.

Den e disciplina di landamento a logra 30 medaya y landamento artistico 24 medaya. Pais Aruba a keda na di 7 luga den 21 pais.

Den number di Gobierno di Aruba, Minister Endy

Croes a felicita e atletanan cu nan excelente prestacion den Carifta. Alabes, a gradici e atletanan pa carga number di Aruba y laga nos pais briya riba plataforma internacional. Minister Endy Croes ta gradici y felicita directiva di AAF, staf di coach y mayornan pa nan tremendo guia, sosten y apoyo na nos atletanan pa nan por a logra e exito aki. “Di curason masha pabien”, Minister Endy Croes a expresa. Cu deseo, disciplina, dedicacion y determinacion boso a logra. Aruba ta orguyoso di boso!



Atletismo ta bira e prome deporte pa paga placa como premio na Olimpiada

(AP) – Atletismo ta programa pa bira e prome deporte pa introduci placa como premio na Olimpiada, cu World Athletics bisando ayera cu lo paga \$50mil na medayistanan di oro na Paris.

E movida ta un kiebre simbolico cu e pasado amateur di Olimpiada den un di e eventonan mas mira di e weganan.

E cuerpo gobernante di athle-

tics a bisa cu tabata poniendo \$2.4 miyon un banda pa paga e medayistanan di oro di e 48 evento masculino, femenino y mixto den nan programa pa atletismo pa e Olimpiada e aña aki. Teamnan di relay ta bay dividi e \$50mil entre nan miembronan. Pago pa medayista di silver y brons ta programa pa cuminsa for di Olimpiada 2028 na Los Angeles.

Presidente di World Athlet-

ics, Sebastian Coe a bisa reporteronan cu e movida tin intencion “pa reconoce cu e porcion di entrada cu nos ta ricibi ta en gran parti pasobra nos atletanan ta e streanan di e show.”

E placa pa e premio ta bay sali di e porcion di entrada Olimpico cu Comité Olimpico Internacional (IOC) ta distribui na World Athletics.



Fury ta bisa cu Usyk no lo surpasa diferencia di tamaño



(AP) — Pa Tyson Fury, tamaño ta bay conta pa tur cos den su pelea contra Oleksandr Usyk pa corona e prome campeón indis-

cutible den heavyweight desde aña 2000.

Usyk, un ex-cruiserweight, por ta entregando 50 libra na

Fury, kende – midiendo 2.09 meter di largura – ta 15cm mas largo y tin un alcance mas grandi di casi 18cm.

Papiando na un conferencia di prensa ayera, Fury a elogia e habilidadnan di boxeo di Usyk, pero a bisa cu e diferencia di tamaño entre e dos boxdo invicto lo ta demasiado grandi pa e Ucrainiano surpasa den e pelea dia 18 di mei na Saudi Arabia.

“Nos tin divisionnan di peso pa un motibo,” Fury a bisa. “Mi a studia tur cruiserweight cu a yega di biba y ora e cruiserweight ta subi pa bringa e hombernan grandi,

usualmente ta haya cu nan falta. Bo por derota e grandinan averahe, pero bo no por derota e grandinan elite. Tamaño ta loke realmente ta importante.”

Inicialmente e pelea tabata programa pa tuma lugar dia 17 di februari, pero a keda posponi dos siman prome cu e pelea, despues cu Fury a sufri un corta riba su wowo drechi durante un sesion di training.

Fury, campeón WBC, a bisa cu e re-programacion a permitie bin den tremendo forma pa e pelea contra Usyk, kende tin e faha WBA, WBO y IBF.

“Na comienso mi tabata un tiki deprimi, pa e prome dia mas o menos, pero despues, manera tur cos den bida, mi a realisa cu e tempo di Dios ta impecable, perfecto,” segun Fury, kende tabata papiando na Morecambe, Inglatera, cerca di unda e ta biba. “No ta laat, no ta trempa, ta net na tempo. No tabata mi momento pa bringa e tempo ey, pero ta bay ta mi tempo pa bringa dia 18 di mei.”

“Fury a bisa cu ta “mi tempo, mi destino, mi era y mi generacion.”

Jackson Holliday, prospecto miho cualifica den baseball, ta debuta den MLB cu Orioles

(AP) — Despues di su ascenso rapido na liganan mayor, Jackson Holliday a ricibi un number particularmente significativo cu e Baltimore Orioles.

E prospecto di mayor rango den baseball a haci su debut den big league ayera nochi na Fenway Park, cuminsando na di dos base y batiando nueve contra e Boston Red Sox. El a strike out swing den su prome biaha.

E infielder di 20 aña di edad, selecciona No.1 general den e draft amateur 2022 for di su scol secundario na Oklahoma, ta yiu homber di Matt Holliday, siete-biaha All-Star y e campeón di bateo 2007 NL.

“Nervioso? Mi kiermen, un tiki. No hopi,” Jackson Holliday a bisa prome cu e wega. “Mi no ta mesun nervioso



cu mi a kere mi lo ta. Mi ta mas emocionada. A cambia e estado mental for di nervi-

oso na emocionada. Pero si, mi ta realmente emocionada. Mi a haya un tiki pa purba du-

rante training di spring. Obviamente esaki ta bay ta diferente awo durante e tempora-

da, pero mi a sinti cu mi por a defende y definitivamente mi ta anticipando awe nochi.”

Holliday ta bay bisti e No. 7 pa Baltimore. Su tata a bisti e number aki durante siete temporada cu e St. Louis Cardinals y un cu e Colorado Rockies. Pero ningun miembro di Orioles a bisti, desde cu ex-manager Cal Ripken Sr. ainda tabata coach na 1992.

Un di su yiunan, Billy Ripken, tabata e hungador di Baltimore cu a bisti e number aki anteriormente, na 1988. E famia Ripken, realesa di Orioles, a duna bendicion pa e hoben Holliday.

“Nos famia ta encanta cu [Jackson Holliday] ta bay bisti e #7 di nos tata”, short-stop den Hall of Fame, Cal Ripken Jr. a post riba e red social X. “Emociona pa mir’e hunga!”

Miss Teen Aruba International ta cla pa su temporada 2024


GLW Foundation ta den pleno preparacion pa Miss Teen Aruba International 2024. E aña aki celebrando 15 aña di eleccion unda cu durante añanan Miss Teen Aruba International a sa di demostra cu e comision ta traha den e mihor formacion di e candidatanan y e logronan durante e ultimo 17 añanan aki cu George Winterdaal como Presidente pa e prueba di e trabou cu e candidatanan.






















Paisnan unda e candidatanan a bay ta Republica Dominicana, Panama, El Salvador, Bahamas, Guatemala, Costa Rica, Nicaragua, Honduras, Colombia, Bulgaria y mas.

Desde cu George a tuma e presidencia di Miss Teen Aruba y despues Miss Teen Aruba International a usa e lema “Algo mas cu un certamen di beyesa” y tur aña ta organisa diferente proyec-tonan . GLW Foundation ta haci e.o. Cupcake di Speranza, Un man pa nos ruman, Feed the Kids y tambe un sin fin di actividadnan caritativo cu e candidatanan. E comision organisador ta sigur prepara e candidata cu tur ekipo necesario pa asina por yud’e den su desaroyo pa futuro. Hopi candidatanan di Miss Teen Aruba International despues a sigui participa den otro Plataformanan manera Reina Hispanoamericana, Miss International, Miss

World y Miss Universe. Bo tambe kier participa? E aña aki GLW Foundation a haci algun cambio masha interesante. Bo tin e edad di 15 pa 19 aña? Bo tin gana di biba un experiencia unico? Bo kier representa Aruba na nivel internacional? Bo kier amplia bo conocimiento general y siña mucho mas di varios topico. Wel esaki ta bo chens pa participa. Gastonan Hopi biah e preocupacion di Mayornan ta e gastonan halto cu no necesariamente ta asina, Mirando e situacion comision organisador e aña aki lo cobra un suma masha atractivo cu lo cubri basicamente tur gasto di a candidato pa e



Resultado Sorteo <i>April 10</i>				
Cadena Alexander Lottery ta presenta resultado di weganan di suerte				
DIARIO		KORSOU	SUPER4	FLAMINGO
2358		-	1335	-
1869		-	SUPER5	-
7369		-	-	-

MERDIA		ANOCHI			
 Sorteo # 4234 0086 7239 6983  FP  Sorteo # 4234 4759  X2  Sorteo # 2290 8086  Sorteo # 4234 8268 Sagitario  Sorteo # 1108 516  X2		 Sorteo # 8215 5120 2140 9464  FP  Sorteo # 7259 4298  FP  Sorteo # 1964 8976  Sorteo # 6018 6843 Leo  Sorteo # 948 785  X2		 Sorteo # 2483 0 x Jackpot 0 x Match 4+ 10 x Match 4 158 x Afl. 12,00	01-03-13-24-26 Joker 21 Letter C Proximo Jackpot 200.000,-
		 Sorteo # 6440 0 x Jackpot 8 x Match 4 129 x Afl. 8,00	03-13-15-26-28 Proximo Jackpot 53.000,-		
		 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 350.000,-		
		Afl. 450.000,-			
		 Sorteo # 			

eleccion oficial. E suma cu lo paga ta inclui e inscripcion di e candidata, trahe di baño pa anochi final (e aña aki lo trece trahe di baño bek), trahe di baile di apertura, trahe pa entrevista cu Hurado, sapato pa anochi final, trahe di gala (diferente diseño) pa anochi final, T-shirt uniform pa e temporada. Lo tin un anochi informativo pa tur mayor of hobennan cu ta desea di ricibi mas informacion di e competencia, esaki lo tuma lugar diabierna 12 April 2024 na Plaza Betico Croes di 7 pa 9 pm. Si cualkier mayor ta desea mas informacion por yama libremente George Winterdaal na 5616151 of NuriAnne na 6990840 y asina por ricibi tur

informacion y detaye. Final di Miss Teen Aruba International lo tuma lugar diasabra 13 di July den Renaissance Convention Center. GLW Foundation a prepara un agenda di actividadnan creativo, social y educativo masha great mes cu hopi eventonan unda nan lo siña hopi pero tambe lo have fun y disfruta di e temporada 2024. Nos ta desea GLW Foundation tur clase di exito pa e temporada nobo di Miss Teen Aruba International. Bo ta desea di representa Aruba na nivel internacional, no duda mas y yama awe mes pa mas informacion na 5616151.

King Classic Sudoku

		1				8	7	
8		9	7		2			5
				1	4			
3	5						8	
		8	5		1			2
		7	2				4	
	9	2			3	7	5	6
6	1						9	

Difficulty: ★★★★★

5/12



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel: 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Dakota Centro Medico
Tel. 588 7364 Tel. 584 5794
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cabrito di montaña cu a pega na brug di Kansas a sobrevivir rescate

(AP) - Un cabrito di montaña cu a keda pega bao un brug di Kansas City a sobrevivir su rescate complica y awo lo reuni cu e doñonan cu ta sospecha el a ser horta for di nan cunucu 2 luna atras.

“E ta e storia cu a captura e curason di Kansas City,” a bisa Tori Fugate, di KC Pet Project, un fundacion cu ta lidia cu control di animal na e ciudad y ta opera shelter. “Lubida di e eclipse solar. Nos tin cu wak pa nos cabritonan.”

Despues di dialuna su eclipse, hendenan a mira e animal, cual a sospecha ta e cabrito perdi yama Chug, bulando na e pilarnan cu ta sostene e brug, cual tin un distancia grandi cu e vloer. Cu speranza pa guia e cabrito, un chauffeur a logra cu un cabuya a mara rond di e cabrito su neck, pero esaki a agrega na e peliger segun Fugate. Ora cu bomberonan a purba di yega na e cabrito, el a spanta y purba bula pa e proximo plataforma pero su pia a slip y el a pega na e cabuya, cual a causa cu e cabrito a keda colga na su neck sin move. E bomberonan a logra los e conopi y e cabrito a cay 4 meter, cayendo na un caminda unda e resto di e ekipo a pone matras pa yuda alivia e impacto, Fugate a conta.


Un veterinario tabata presente pa pone e cabrito relaha mientras e ekipo a carga e cabrito pa subie ariba, unda e bomberonan a dun’e oxigeno, despues di cual el a ser hiba oficina di veterinario pa saca potret. “Milagrosamente e no a kibra weso,” Fugate a sigui splica. E cabrito tabatin rato ta bula di pilar pa pilar cu ta te hasta 24 meter halto, un caida cu e no lo sobrevivir.

El a bisa cu esaki ta parti mas recien di e cabrito su aventura. El a drenta e shelter como un animal bandona dia 13 di maart y a ser yama Jeffrey te ora cu el a ser adopta mas despues. Sinembargo, el



a bula bay inmediatamente for di su cas nobo. “Danki na su fama riba media, ayera nos a ricibi yamada di un persona cu a bisa cu e ta similar na nan cabrito cu a perde den februari,” el a comenta.

E famia ta biba 2 ora leu y tin plan di bay e shelter pa confirma si esaki ta nan cabrito cu a ser horta. Den caso cu e ta, Chug lo bolbe back cas cu nan y e cabrito su mayornan adoptivo ta acepta esaki.



Pronostico di tempo

Tempo:

Awe tardi y awe nochi: parcialmente nubia y generalmente seco
Den marduga y mañan: parcialmente nubia cu un awasero pasahero

Temperatura maximo 33 grado Celsius
Temperatura minimo 27 grado Celsius
Indice di calor (heat index) den y rond di oranan di merdia: 34 pa 39 grado Celsius
Uv index: 12

Bahada di solo: 6:52pm
Subida di solo: 6:29am

Biento:

Moderate te basta fuerte for di direccion oost; forza 4 te 5 (20 te 39km/ora, 11 te 21 nudo).
Durante di dia fuerte te posiblemente duro den rafaga; forza 6 te 7 (40 te 61km/ora, 22 te 33 nudo)

Situacion general di tempo:
Extension di e area di presion halto riba Atlantico lo man-



tene un biento modera te fuerte y tin bes duro den rafaga. Sobra di un frente friu lo causa un aumento di humedad den region, cual por induci localmente un awasero pasahero te breve.

Condicionnan maritimo/ estado di lama:

Na partinan protegi di costa: keto, rond di 1 pia.
Na partinan zuid: tranquil, entre 1 pa 2 pia.
Na partinan oost te noordwest di costa: generalmente modera cu olanan di 5 pa 6, localmente 7 pia.

Like
us on
Facebook
facebook.com/bondianoticia

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

The LORD is my shepherd, I shall not want.
He restores my soul. He guides me in paths of
righteousness for his name's sake. Even though I
walk through the valley of the shadow of death,
I will fear no evil, for you are with me; your rod
and your staff, they comfort me.

With a heavy heart we announce the passing of
our dear mother, grandmother, sister, and aunt:



**Anita Beatriz
Brouwer-Jonkhout**
Lovingly called "Thies"
*22-03-1938 - †07-04-2024

Husband
†Jan Brouwer

Children
Anthony Brouwer & Richella Paesch
Angelique Brouwer

Grandchildren
Anthony & Shelby Peterson
Nathan Brouwer
Ayla Brouwer
David Bulos

Siblings
Rosa "Poppy" & †Ruud van Rutten
†Samuel "Boy" & †Annie Jonkhout

Nieces and Nephews
Anneliz Jonkhout & family
Samuel Jonkhout
Gerald & Kiki Jonkhout & family
† Ricky & Debbie Jonkhout & family
Chris van Rutten & family

Families: Jonkhout, Brouwer, Harms, van
Romondt, van Rutten, Oduber, Beaujon,
Evertsz, Zwueste.

The funeral service will be held at Aurora
Funeral Home on Thursday April 11, 2024 from
2:00 pm – 4:00 pm followed by the interment at
the Protestant cemetery in Oranjestad.

We sincerely apologize if we forgot to mention
any family member in this time of grief.

We would like to thank Wit Gele Kruis and the
doctors and nurses of level B4 of the Horacio
Oduber Hospital for the attention and kindness
given.

We apologize that after the funeral service we
cannot receive condolences at home.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever

Cu inmenso dolor na nos curason, pero conforme cu
Dios su boluntad, nos ta anuncia fayecimento di nos
mama, wela, bisawela y tanta stima:



Imelda Maduro
Mihor conoci como "Meme"
*12-11-1932 - † 03-04 -2024

Na number di su:
Tata: †Marcelo Maduro
Mama: †Simeona Maduro-Gomez

Yiu(nan):
Orlando y Astrid Orman-Kock y famia
Anne-Marie Orman
†Erwin Orman
Anneke y Eric Semeleer-Orman
Evelyn Orman
Ivan Orman y Shareen Tromp

†Su rumannan den feliz memoria

Nieta(nan):
Orlanda Orman y Christopher Blijden
Roxanne y Igor Kock-Croes
Kary-Ann Semeleer y Deion Werleman
Hennely Orman

Nieto(nan):
Brian y Haley Semeleer-Davidson
Rai v/der Dijis y Claudia Dos Santos
Brandel Bardouille y Xena Semeleer
Randel y Mark Orman
Bisanieta(nan): Iyona, Izalea Kock
Elyza, Alyzé Semeleer
Alyxa v/der Dijis
Bisanieta: Cain v/der Dijis

Tanta y omonan, primo y primanan, sobrino y
sobrinanan
Tata y mama di su nieto(a)nan:
David v/der Dijis, Bernard Bardouille, Christina
Gonzalez y Satya Heinze

Iha(nan):
Elaine Toppenberg
Brinchie Chirino
Su amiga(nan): Claudia Heinze
Regina Kock y Filomena Dubero

Demas famia: Maduro, Orman, Gomez, Semeleer,
v/der Dijis, Croes, Bardouille, Werleman, Tromp,
Pietersz, Sambo, Kelly, Quandus, Marchena, Martha,
Gonzalez, Kock, Cornelie, Zievinger, Davidson,
Heinze, de Kort, Raghunath, NG, Jansen, Harms

Ta invita pa acto di condolencia y entierro cual lo tuma
lugar na Misa San Francisco na Playa diahuebs 11 di
April 2024 di 9'or pa 11'or di mainta. Despues lo sali
pa Santana Centraal Sabana Basora.

Nos ta pidi disculpa si den nos tristesa nos por a
lubida un of otro famia.

Despues di entierro nos no por ricibi bishita di
condolencia na cas.

"Laga tur locual cu ta sperami ta bunita
Laga tur locual cu mi ta encontra na caminda
ta bunita
Laga tur locual cu ta rondonami ta bunita
Laga tur locual mi ta laga atras keda bunita
Y Laga esaki termina den tur buniteza"



Cu inmenso tristesa na nos curason, pero
conforme cu boluntad di Dios nos ta anuncia
fayecimento di nos ser keri:



Sra. Sheila I. Arendsz-de Cuba
Cariñosamente yama: "Ella"
*05-01-1944 - †09-04-2024

Na number di su:
Esposo: Walter E. Arendsz

Yiunan:
Randolph y Jourainne Arendsz-Tromp
Gina y Raymond Habibe-Arendsz
Aldrich y Ilse Arendsz-de Cuba

Nietonan:
Christopher Habibe
Brandon Habibe
Giandrick Arendsz y Sarah Vrolijk
Marc Arendsz

Rumannan:
Olivia y †Casper Faro-de Cuba
Karel de Cuba y yuinan
Oswald y Ismay de Cuba-Croes y yuinan
†Greta y †Winston Maduro-de Cuba y yuinan
†Walter y Rita de Cuba-Rodriguez y yuinan
Anna Clara de Cuba y yuinan

Sobrinanan stima:
Elaine y Sjoerd y famia
Suhailah y Jim y famia
Clarisse y Joshua y famia

Tantanen stima:
Calixta de Cuba
Mani v/d Linden y famia

Cuñanan:
Edna Meelis-Arendsz y yuinan y famia
Aura de Cuba-Arendsz y yuinan y famia
†Diana y Remigio Wever-Arendsz y yuinan y famia
Erica Arendsz y yuinan y famia
Eric y Ludwina Arendsz-Kock y yuinan y famia
Edwina y John Fellerhof-Arendsz y yui y famia
Edwin y †Rita Arendsz-Croes y yuinan y famia
Imelda y Jorge Medina-Arendsz y yui
Franklin y Ineke Arendsz y yuinan

Ayudantenan: Sofia Dirksz y Berta

Danki special na: Dr Winterdal, Dr Vis, Dr Nienke, Dr Weiser, Dr
Dennert, Dr Lacle y Reeshma Tromp cu team di Amilia Care Service pa
nan atenshon.

Demas famia y amigonan: Arendsz, de Cuba, Tromp, Habibe,
Roseman, Canninga, Lacle, Fellerhof, Croes, Maduro, Lin, Meelis,
Wever, Medina, Faro, Schwengle, Lopez, v/d Linden, Rodriguez,
Geerman, Herrera, Refunjol y Bislick.

**Ta invita demas famia, bisiña, amigo(a)nan y conocirnan pa asisti
na e acto di entierro cual lo tuma lugar Diabierna, 12 di April 2024
for di 9'or pa 11'or di mainta na Misa Sagrado Curazon na
Savaneta. Despues nos lo sali cu nos defunto stima pa Santana
Catolico San Hose na Savaneta.**

Nos defunto stima lo ta reposa for di 9'or di mainta na Misa.

Si en caso den nos tristesa nos por a lubida algun persona of famia, nos
ta pidi nos mas sincero disculpa.

Alabes nos kier a participa cu lamentablemente nos no ta ricibi bishita
di condolencia na cas despues di e acto di entierro di nos difunto stima.

Staff y Personal di Ad Patres Funeral Home & Crematorium ta extende
nos mas profundo condolencia na famia di e fayecida.

Aurora

Royal Pray

Funeral Home & Crematory

Mi Dios, Mi Señor, Mi
Salbador
Cu Bo amor infinito tenemi
den Bo braza
Ya no tin scuridad
Unicamente Bo Luz
briyando



Cu dolor na nos curason,
nos ta participa fayecimento
di nos ser keri:

Sra. Maria Melida Lewis-Peguero

Cariñosamente yama "Nelly"
*27-08-1941 - †05-04-2024
Viuda di Emmanuel George Lewis

Na number di su:
Unico yiu: Fernando y Esmayra Lewis-Arends
Nieto(a)nan stima: Stephany, Kimberly, Jordan

Rumannan:
Digna Peguero-Reina y famia
Ana Griselda Peguero y famia
Cleotilde Peguero y famia

Unico sobrina na Aruba:
AnaBelkis Campusano y yiu Edlien

Ayudante: Martha
Bon bisñanan: Carmen Gallegos
Carmen Fernandes y esposo

Un danki special na Dr. Alvarez y demas famianan, amigo(a)
nan y conocirnan
Demas famianan: Peguero, Lewis, Arends
Ta invita pa acto di entierro cual lo tuma lugar na Misa
Birgen di Fatima na Dakota, diasabra 13 di April 2024 di 9'or
pa 11'or di mainta. Despues lo sali pa Santana Catolico na
Paradera.

Nos disculpa si den nos tristesa nos a lubida di menshona
algun famia of amistades.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta
bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever

Cu inmenso dolor na nos curason, nos ta anuncia
fayecimento di



Welbin A. Vidal

*01-04-1990 - † 06-04-2024

Acto di entierro lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y flor por seca, su recuerdonan y tur loke e la hasi
pa nos lo keda graba pa semper den nos mente y curason.
"Cerca Dios mi alma ta na paz.
Di dje mi salvacion ta bini"
Salmo 62:1

Cu inmenso dolor na nos curason, nos ta anuncia
fayecimento di nos ser keri:



Eugene Jacinto Roberts

Mihor conoci como: Denchi, Deng
*17 August 1968 - †5 April 2024

Esposa stima: Lizbeth "Lisa" Roberts-Kock

Mama stima: †Glenda Roga
Tata: †Pascal Roberts

Suegironan stima: †Fernando y Mena Kock-Croes

Swa y cuña: Giovanni y Suzy Kock-Croes y famia
Ingrid Kock y Michael Burke

Prima stima manera ruman: Dietje Maduro y famia,

Su tanta y omonan: †Aura Simon-Roga
†Ronald Roga
†Winnie Roga y Chomai Koolman
†Nel Roga
Pedro y Jozee Roga
Gloria Roga
Swinda Roga
Thomas y Gisela Roga Willems
Gino y Yolanda Roga Fuentes
Gwendolyn Kelly y famia
Bernadette y Timotheo Willems y famia
Jane Roberts
Rita Roberts y famia
Johan y Rosa Roberts y famia
James y Mirta Roberts y famia
Charlie Roberts y famia

Primo y primanan: Jennifer, Mike, Glenn, Lloyd, Jordan,
Georgino, Afke, Angelo, Rose-Ann, Owen, Katja, Claudia,
Paul, primo y primanan Roberts y nan Famia,

Tanta Grandi: Olinda van Balen

Su ihanan: Anthony Dirksz, Gilbert Angel

Su amigonan di cas: David Angel y famia, Bill y Karline
Wild y famia, Jane y Alvin Geerman y famia, Cliff y Belkis
Bermudez Solognier, Santy Henriquez, Gibi Dirksz,
Mirla Koolman, Ryan Ras, Glenneth Courtar, Julie Courtar

Su coleganan di My Computer & Office Supplies

Miembronan di Aruba Lions Club

Demas famia: Roberts, Kock, Roga, Maduro, Boekhoudt,
Van Balen, Rasmijn, Ter Beek, Vollebeek, Koolman, Pourier,
Krozendijk, Silva, Lewis, Willems, Tromp, Fuentes.
Nos ta pidi nos disculpa si den nos tristeza nos por a lubida
algun famia of amistad.

Ta invita pa asisti na acto di entierro cu lo tuma lugar
Diabierna 12 April 2024 na Misa Birgen di Fatima na
Dakota di 1'or pa 4'or di atardi. Despues lo sigui pa Santana
Catolico na Paradera.

Ta duel nos cu despues di entierro no ta risibi bishita di
condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Ki alegria, ora nan a bisa mi:
"Ban cas di Señor!"
I awor, ata mi aki para na bo porta Señor.
Salmo 122

Cu inmenso tristesa na nos curason, pero agradecido pa tur
locual e a haci y nifica pa nos, nos ta anuncia cu a fayece na
Hulanda, nos

tata, welo, suegro, ruman, omo y primo stima:



Eduardo M. Croes

Mihor conoci como "Eddy"
*30-01-1952 - †08-04-2024

Despedida lo tuma lugar diabierna 12 di April 2024, na
Misa Sint Lambertus, Deken van Mierstraat 2 na Veghel,
Hulanda.

Cremacion lo tuma lugar despues den seno familiar.

Alabes ta invita famia, amigo y conocirnan pa asisti na un
Santo Sacrificio di misa pa descanso di su alma.
Na Misa Cristo Rey na Brazil, diasabra 13 di April 2024 pa
7'or di anochi.

Por manda condolencia na : janicroes@gmail.com

Aurora

Royal Pray

Funeral Home & Crematory

"Remembrance is a form of meeting"
- Kahlil Gibran

"Your living is determined not so much by what
life brings to you as by the attitude you bring to
life; not so much by what happens to you as by
the way your mind looks at what happens."
- Kahlil Gibran

Cu dolor na nos curason pero tambe agradecido
pa tur e bunita recuerdonan, nos ta anuncia e
fayecimento di:



Bernardus (Ben) F. C. King

*14 januari 1948 - † 9 april 2024

Acto di entierro lo wordo anuncia despues.

Tres yiu y 3 nieto di lider top di Hamas ta fayece na Gaza den atake di Israel



(AP) - 3 yiu homber y 3 nieto di lider politico top di Hamas a ser asesina di aranson pa un atake aereo di Israel na Gaza Strip, y e lider a acusa Israel di acua den e "spirito di vengansa y asesinato."

Ismail Haniyeh su yiu hombernan ta entre e figuranan di perfil halto cu a ser asesina den e guerra te awo. No ta inmediatamente cla con e fayecimento por afecta

e dialogo di alto al fuego di lunanan caba cu e mediadornan internacional, aunke Haniyeh a bisa cu Hamas no lo cay dilanti presion.

E ehercito di Israel a bisa cu e hombernan a checuta actividad militante na Gaza central, sin duna mas detaye.

Haniyeh a confirma e morto den un entrevista cu e canal Al Jazeera, bisando cu su yiuunan a ser "asesina canando e caminda pa libera Jerusalem y



Al-Aqsa Mosque. E enemigo criminal ta motiva pa e spirito di vengansa y asesinato y no ta duna balor na ningun ley of standard," el a bisa den un entrevista via telefon.

E ehercito Israeli a describi e 3 rumannan como comandante di cel y dos operativo militar. Den su entrevista cu Al Jazeera, Haniyeh a bisa cu e

asesinatonan no lo pone presion riba Hamas pa debilita su posicionnan. "E enemigo ta kere cu pa medio di ataca e famianan di e lidernan, esaki lo causa cu nan lo rindi e exigencianan di nos pueblo," el a comenta. "Cualquier persona cu kere cu bay den contra di mi yiuunan lo pusha Hamas pa cambia su posicion ta so-

ñando."

Haniyeh ta biba den exilio na Qatar, unda Al Jazeera ta basa. Hamas Al-Aqsa TV a televisa imagennan di Haniyeh ta ricibi e noticia di e mortonan mientras e tabata bishitando Palestinonan cu a ser transporta na un hospital den Doha.

Legisladornan di Union Europeo ta aproba un revision di ley di migracion

(AP) - **Legisladornan di Union Europeo (UE) a aproba diaranson un revision grandi di e bloke su leynan di migracion, sperando cu esaki lo caba cu añanan di division tocante con pa maneha e entrada di miles di persona sin autorisacion y depriva e derecha di un campaña cu por gana voto prome cu eleccionnan den juni.**

Den un serie di 10 voto, miembronan di e Parlamento Europeo a promove e regulacionnan y politicanan cu ta crea Pacto n Migration and Asylum. E reformanan aki ta atende e problemaman di ken por tuma responsabilidad pa migrantenan ora cu nan yega y si otro paisnan den UE ta obliga di yuda.

E procedencianan a ser interumpi brevemente pa un grupo di manifestantenan den e galeria publico cu a bisti t-shirt marca cu "this pact kills" y a grita "vota no!"

E 27 pais miembro di UE mester awo promove e pakete di reforma, posiblemente un voto den fin di april, prome

cu nan drenta efecto.

President di Parlamento Europeo Roberta Metsola, ex lider di migracion cu a yuda habri caminda pa e pakete di reforma, a publica "A crea historia," riba X, anteriormente Twitter, despues di e votonan. "E tin mas di 10 aña den produccion, pero nos a mantene nos palabra. Un balans entre solidaridad y responsabilidad. Esaki ta e manera Europeo," el a skirbi.

Minister di Interior Aleman Nancy Faeser a describi e resultado como un "exito grandi y hopi importante. Despues di añanan di negociacion, no a keda di acuerdo riba e pakete comprensivo aki. Pa e motibo aki nos a surpasa un division profundo na Europa," Faeser, ken su pais ta un destino top pa personanan buscando refugio a expresa den su declaracion.

"Nos ta sigui proteha e personanan cu ta huy for di gueranan teribel, terror, tortura y asesinato. Pero e responsabilidad aki pa refugiadonan lo plama y cay riba mas schouder den futuro," el a agrega.



Seis nacion Europeo ta firma acuerdo pa proteha infraestructura di Lama Nort for di actornan violento

(AP)—Seis pais den Nort Europa cu ta comparti frontera cu e Lama Norte a bisa diamars cu nan a firma un acuerdo pa traha hunto pa proteha infraestructura bao awa den e parti norte di e Ocean Atlantico for di un riesgo di sabotaje.

E ministerio Danes pa Clima, Energia y Utilidad a yama e Lama Norte un centro pa infraestructura critico cu ta conecta Europa via kabelnan di electricidad, tubonan di gas y conexionnan di telecomunicacion y ta un fuente importante pa energia renobable. “Un dependencia mutual entre fronteranan a surgi—y cune un riesgo mas halto di sabotaje y atencion no desea for di actornan violento,” e ministerio a bisa.

E decision aki a bin despues di e explosion misterioso na 2022 cu a causa daño na e tubonan di gas den e Lama Baltico. Nan a sosode den awanan internacional pero dentro di zonanan economico di Suecia y Dinamarca. Ambos



pais a cera nan investigacion den e explosion.

E explosionnan a kibra e tubo Nord Stream 1, cual tabata e ruta principal pa suministracion di gas natural di Rusia pa Alemania te ora cu Rusia a cera suministracion fin di augustus 2022. E tubo Nord Stream 2 tambe a haya daño,

cual nunca a drenta den servicio pasobra Alemania a suspende su proceso di certificacion net prome cu Rusia a invadi Ucrania den februari 2022.

“E Lama Norte tin e potencial di bira e plataforma di un suministracion di energia renobable y sigur den Eu-

ropa, mientras cu e ta apoyando e caminda pa un futuro liber di combustible fossiel,” segun minister Danes Lars Løkke Rasmussen. E seis paisnan—Dinamarca, Belgica, Britania, Alemania, Noruega y Hulanda—“mester para uni y coordina den nos esfuerso pa proteha infraestructura critico entre fronteranan. E compro-

ndemento aki ta un stap importante den e direccion ey.”

E cooperacion lo inclui evaluando medidanan actual di proteccion y resiliencia, compartiendo informacion y reconocimiento, y reportando informacion relevante riba un nivel operacional, e ministerio Danes a bisa den un declaracion. “Ademas, e cooperacion ta depende riba e trabao relevante dentro di Union Europeo y NATO,” el a bisa.

Den mei 2021, Dinamarca, Belgica, Hulanda y Alemania a bisa nan a plania pa accelera e transicion ambiental di e continente y yuda kita dependencia for di importacionnan di energia Ruso via un proyecto nobo pa construi wind farms den e Lama Norte. Prome minister Danes Mette Frederiksen a bisa nan kier aumenta e capacidad total di biento costal cuatro biaha pa 2030 y dies biaha pa 2050. E plan ta pa provee energia na 230 miyon hogar Europeo.

Turkia y Israel a anuncia limite di comercio riba otro mientras relacion ta deteriora tocante Gaza

(AP)—Turkia y Israel a anuncia limitenan di comercio cu otro diamars mientras relacionnan nan deteriora mas entre e guerra na Gaza.

Turkia, un critico di e accion militar di Israel den e teritorio, a anuncia cu e tabata limitando exportacionnan di 54 tipo di producto pa Israel cu efecto inmediato. Nan a inclui aluminio, hero, productonan di construccion, combustible di jet y fertilisador kimico. Como respuesta, Israel a bisa cu e tabata preparando un prohibicion riba productonan for di Turkia.

E anuncianan a bin un dia despues cu e minister di Asunto den Exterior Turco Hakan Fidan a bisa cu Israel a prohibi avionnan di carga militar Turco di participa den un operacion pa envia ayudo humanitario pa Gaza y a priminti pa responde cu un serie di medidanan contra Israel te ora cu e declara un alto el fuego y ta permiti ayudo drenta sin interrupcion.



“No tin excuus pa Israel blokia nos intento pa entrega ayudo via aire pa hendenan di Gaza cu hamber,” Fidan a bisa.

E gobierno di presidente Turco Recep Tayyip Erdogan, cual a experencia caidan an grandi den eleccionnan local luna pasa, ta enfrente cu presion intenso na cas pa para comercio cu Israel. Critico ta acusa e gobierno di participa den dobel standardnan por medio di nivela acusacionnan fuerte contra Israel mientras

continuando relacionnan comercial lucrativo.

Erdogan, di ken su partido gobernante tin raiz den e movimiento Islamico na Turkia, tabata publicamente critico di e tratamentonan di e Palestino desde cu el a tuma oficina na 2003. E lider Turco a aumenta su critica di Israel siguiendo su ofensa militar na Gaza, describiendo e accionnan di Israel como crimennan di guerra birando casi “genocidio” y declarando cu e grupo militante Hamas,

considera un organizacion terroristico pa Israel, Merca y Union Europeo, ta luchando pa e liberacion di su tera y hende.

Den un publicacion riba X, minister di Asunto den Exterior Israel Katz di Israel a bisa cu Erdogan tabata “un bes atrobe sacrificando e interesnan economico di hende di Turkia pa su apoyo di e asesinonan Hamas na Gaza.”

Den e mesun publicacion, el a bisa cu el a contacta or-

ganisacionnan na Merca y a puntra nan pa stop di inverti den Turkia y stop di importa productonan Turco. Hamish Kinnear, analista di Medio Oeste y Nort Africa na e compania di inteligencia Verisk Maplecroft, a bisa cu consideracionnan domestico tabata tras di e decision di Turkia pa pone restriccions di comercio riba Israel.

E resultado lo ta un comercio bilateral reduci, specialmente si Israel tuma represalia cu restriccions di comercio di su mes,” Kinnear a bisa. “E gobierno di Turkia probablemente a haci e calculacionnan cu relacion dañi di comercio ta bale la pensa pa e posible ganashi den apoyo politico domestico.”

Exportacionnan Turco pa Israel a conta pa 5.4 miyon dolar den 2023, segun e instituto estadistico Turco. Turkia y Israel a normalisa relacion por medio di apunta embaadornan na nan paisnan respectivo den 2022, despues di varios aña di tension.